






- 1 -

VIII - 275







plera
fesso
re de
tis,
spe
sum
ac
com
spe
et
est



PRÆLUDIA
CHIRURGICÆ
DISCIPLINÆ.

Quoniam aliquot quasi gradibus ad optimam Chirurgiam itur, (neque enim ita parabilis est, ut plerique putant,) novum hujus professorem inde judico primum incipere debere, quod ad cognitionem artis, & adnexorum facit; tum ut inspectam ejusdem speciem, atque usum studiose expetat, tum ut ritè ac facilè instituatur. Porro, quæ communioris sunt contemplationis, specialibus præire consueverunt: & ut dixit Aristotel. tam prompta est à communioribus via ad minus

communia ut etiam à natura indi-
cetur: quapropter antequam Chi-
rurgiæ præcepta, & rationes tra-
damus, operæ pretium est, de qui-
busdam artis prænotamentis (pro-
legomena Græci vocant) principio
tractari: sic enim faciliior commo-
diorque fiet ad cætera progressus.
Definitio autem ex his prima se of-
fert exponenda, quæ cum duplex sit
Aristotele auctore, lib. 2. poster.
c. 9. tum nominis tum rei: priorem
nos primum proponemus.

Marc.

Marc. Aurel.

SEVERINUS

De

TUMORIBUS

PRÆTER

NATURAM.

Tumor præter naturam (qui ab Hippocrate & veteribus οἰδμήξ vocatur; ut pluribus locis notavit Galenus) est constitutio totius corporis, aut aliquarum ejus partium, naturalem quantitatem, cum qualitatis mutatione, excedens, qui si ad tantam magnitudinem attollatur, ut ab hac actio impediatur, morbus censeretur debet, alioqui vel symptoma, vel pathema duntaxat.

Arabes tumorem præter naturam (quatenus morbus est) apostema ap-

A 3

pel-

pellant, quum tamen ~~omnis~~ eam tumoris speciem, qui abscessus dicitur, significet: asseruntque, duce Avicenna apostema, id est, (ut volunt) tumorem præter naturam, morbum esse compositum ex intemperie, malâ compositione, & unitatis solutione, servatâ uniuscujusque horum morborum formâ perfectâ, ita, ut in una eademque parte sensibili tria hæc morborum genera reperiantur. Quæ descriptio ab Hippocratis & Galeni sententia aliena non est, potissimum quum à materiâ calidâ tumor ortum habuerit.

De Tumorum præter naturam

Differentiis.

Differunt Maximè Tumore p. n.

Quantitate, ut { Magni,
Mediocres,
Parvi.

Qualitatibus primis, ut { Calidi,
Frigidi.

Sub-

Substantiæ modo, ut { Molles,
Duri. { Albi.
Symptomatis, ut à { Colore, & Nigri,
dol. unde Lividi.
dicuntur, { Rubri.
Dolentes.

Partibus affectis, ut { Ophthalmia
Peripneumonia
Pleuritis.

Materia, { Sanguinei,
à quâ Biliosi, { Ad quos
nomi- Pituitosi, { referun- { Aquosi,
nantur Melancholici. tur { Flatuosi

Quoniam verò, ut ait Galenus, omnium tumorum, qui præter naturam sunt, varietas, ex ejus quod influit natura nascitur, ideò pro varietate materiæ tumorem committentis varia tumorum genera in hac disputatione facilioris doctrinæ gratiâ statuentur.

De Tumorum Materia.

Materia autem tumorum apud Galenum quadruplex est, nempe Sanguis.

guis, bilis flava, pituita, & succus melancholicus: ex quibus quatuor vulgares tumores nempe phlegmone, Erysipelas, œdema, & scirrhus oriuntur: Ad quos etiam quatuor humores aliorum omnium præter naturam tumorum materiam revocari veteres medici voluerunt: præterea, quod eorum cujuscumque quivis tumor semper magis particeps sit: atque ob id præter analogiam quandam pro humorum naturalium numero, & primarum qualitatum conjunctionibus, tumores omnes ad quatuor capita reduxerunt: quorum vestigiis insistentes tumores insigniores ad easdem quatuor classes revocabimus.

De Tumorum Causis Efficientibus.

Efficiens tumorum Causa aut Fluxio est, aut Congestio. Est autem fluxio humorum in corpore motus ad aliquam partem, qua propter eorundem
dem

dem quantitatem, aut qualitatem, aut simul utramque, eos sine sui læsione recipere non potest. Illud vitium Plenitudo, hoc Cacochymia, dicitur Dependet autem à

Partis mittentis { Robore
Connexione cum recipiente

Partis recipientis.	{	Imbecillitate Raritate Situ inferiore Colore, Dolore	{	a	{	Motu.
						Ignē
						Sole.
						Medicamentis
						Ictu vel morfu venenatorum.
						Ambiente aëre
						Vulnere
						Ulcere
						Contusione
						Distorsione
						Tensione
						Obstructione
						Flatu.

Humoris. { Tenuitate
Aliavē ad fluxum propensione.

Altera tumoris efficiens Causa Congestio est ex Galeni sententia, Congestio.

gestio verò excrementorum tertiæ coctionis in parte aliquâ collectio est, propter ipsius facultatis expultricis imbecillitatem, quæ major fieri potest accidente facultatis alteratricis errore.

De Tumorum Signis.

Cognitis tumorum causis, de Signis quibus eorum naturam, speciem, statumque præsentem dignoscamus, & tandem futurum eorundem exitum sive conversionem deprehendere possimus, necessario est differendum, cum curationis principium ex ipsius morbi naturæ cognitione maximè pendeat. Tumores igitur aut in occultis partibus sunt, aut in apertis, & externis. Qui in occultis oriuntur, ex perfecta membrorum corporis cognitione maximè deprehenduntur, de quibus dicere nunc non instituimus. At in apparentibus partibus tumorem esse, ex collatione partis tumentis cum se

ipsa

ipsa , naturali statu , & dispositione prædita , cuique deprehendere promptum est.

Species & natura tumoris cognoscitur ex partis tumentis colore calore , frigore , duritie , mollitie , dolore , tensione , renixu , morfu & fluxionis periodo. Color enim similis efflorescit humoribus, nisi intro recesserint, quasi subalbidus fuerit, pituitam, si nigricans, succum melancholicum , si rubeus, sanguinem , si flavus aut subpallidus, bilem flavam , aut humorem aliquem putrescentem, vel adustum, subesse indicat : quemadmodum frigus aut pituitam, aut aquosos humores, aut flatu, aut succum melancholicum , aut concretos, & induratos humores. Durities verò cum dolore , phlegmone, sine dolore scirrhum significat. Mollities autem sine dolore œdematis nota est. Tensio , & renixus magna in parte flatus vel humoris repletionem ostendunt, sicut mordicatio, humoris tumorem committentis acrimoniam.

Fluxionis etiam Periodus, & exacerbatio tumoris, ejus materiam, atque adeo naturam & speciem indicabunt. Nam matutino tempore, sicuti & vere, sanguis, meridie, & æstate, bilis flava, vesperi, quemadmodum & autumno, succus melancholicus, noctu non minus quam hyeme, pituita movetur. Ita enim partes diei cum anni partibus, quantum ad humorum motum pertinet, proportionem habere existimant Hippoc. & Galenus.

Futurum tumorum exitum, aut conversionem, ex ipsorum differentia, ex materiæ benignitate aut malitia: tenuitate aut crassitie, caliditate, aut frigiditate, & similibus qualitatibus, item ex partis affectæ natura, robore, & imbecillitate, totiusque corporis omnimoda dispositione, maxime deprehendemus. Hinc enim fit ut tumores, nisi in principio fieri prohibeantur, variis modis terminentur. Alii per Digestionem, resoluti per insensilem transpirationem omnino humo-

more, qui ad partem affectam defluxerat. Alii per Suppurationem, quorum materia coquitur, id est, suppuratur, & in capacitatem convenientem abscedit. Alii resoluta tenuiore tantum humoris parte in Scirrhosam dispositionem transeunt. Alii multo adhuc deteriores sunt, in quibus partes à fluxione superantur, & ad tantam intemperiem deveniunt, ut & actio omnino pereat, & ipsæ gangrænâ corripiantur.

Alii denique omnium pessimi, qui maligni dicuntur, repente invadunt & regrediuntur, eorum materiâ propter malignam aliquam qualitatem ad interiores, & nobiliores partes delatâ: periculo enim pleni sunt morborum transitus ab ignobilioribus ad partes nobiliores & interiores, quos tumoris subita imminutio, & gravescentia symptomata indicabunt.

Ad hæc tum ad *διὰ γινωσι*, tum ad *αὐτὴν γινωσι*, plurimum considerare juvat tumorum ipsorum tempora, id

est, principium, augmentum, statum, & declinationem : quamvis nihil ex accidenti ex eis conjiciamus. Ob id enim Galenus proposito phlegmones exemplo, aliorum tumorum tempora, per quæ illorum dispositio immutatur, investigare docet.

*Tumoris Præter naturam
universalis Curatio.*

Tumor præter naturam aut adhuc fit, aut jam factus est : illius autem duplex est indicatio, altera præcautio, fluxionem perhibens, & altera curatio, quod in parte est vacuans.

Quoniam causarum remotio fluxionem inhibet, si propter totius corporis Plenitudinem humor fluxerit, ipsam venæ sectione, si vires & aliæ indicationes permiserint, item frictionibus, balneis, exercitatione, unctionibus digerentibus, inediâ, tollimus : Cacochymiam verò convenienti purgatione. At si propter partis recipien-

pientis imbecillitatem fluxio excitata fuerit, ipsam partem confirmabimus. Si propter ejusdem Situm inferiorem, ægri corpus arte ita collocabitur, ut pars affecta, si fieri potest, superiorem locum teneat, & dolore careat. Si propter Dolorem, tum anodynis propriè dictis, vel epiceraisticis, vel narcoticis sedabimus. Si Calor fluxionem excitaverit, ipsum refrigerantibus mitigamus.

Humoris tenuitas sumptis, & admotis, ut crassescat, efficiemus. Ejusdem verò impetum modis omnibus avertemus, nunc in contrarium revellendo venæ sectione, scarificatione, cucurbitulis, corniculis, hirundinibus, vinculis, frictionibus; nunc verò ad partes vicinas per communes venas derivando.

Altera indicatio, quæ Vacuare docet, in tumore, qui adhuc fit, quatenus ejus aliquid jam factum est, & in eo qui omninò factus est, locum habet: nam, quod in loco aliquo præter naturam

turam continetur, sui ablationem primo indicat, quo fit, ut vacuatâ materiâ tumorem committente tumor curetur. Vacuationem verò arte duobus modis moliemur. Priori quidem humorem ad alias partes transferendo repellentibus, à quibus tamen diligenter cavendum est, ubi materia in glandulis, quæ pone aures, in axillis vel inguinibus, sunt, contenta fuerit, in tumore critico. Suspectus est etiam repellentium usus, ubi plethoricum corpus fuerit; Item in tumore supra modum dolente, aut principibus partibus vicino; in tumore à crassâ, & contumaci materiâ genito.

Altero modo vacuamus, materiam foras educendo Digerentibus, Suctu, Sectione, Scarificatione, Cucurbitulis & similibus.

In utroque autem evacuationis genere ad tumoris ipsius materie quantitatē, & qualitatem, atque ad partis affectæ naturam attendere oportet. Alio enim modo tumores sanguineos

tra-

tractabimus. Alio eos qui aut bilis flavæ aut pituitæ, aut succi melancholici, aut alterius materie, soboles sunt.

Tumorum etiam curationes, pro instrumentorum patientium naturâ mutantur, partium verò naturæ nomine earum temperamentum, confirmationem, substantiæ modum, situm, virtutem, & usum, cum Galeno intelligimus.

Temperamentum quidem partes humidiores, ut carnem, glandulas, minus exiccandas esse indicat, sicciores verò, ut nervi, ligamenta, cartilagine, & ossa, magis. Eodem modo de cæteris partibus, aliis temperamentis, simplicibus, aut compositis præditis, suo nativo temperamento restituentis, senties: Nam priusquam ad propriam naturam particula redeat, nondum curationi impositum esse finem est arbitrandum.

Formationem etiam spectare oportet, ex quâ alias partes intra, alias extra, alias utraque parte, alias neutra, cavitates

tates & spatia habere: item alias foris esse, & ad fluxiones recipiendas paratas, alias verò densas, discimus. Ex quâ conformationis varietate, & modi, & vehementiæ medicamenti diversitatem facile conjicere licebit.

Situs in connexu partium, & in earundem inter se, vasorum ope communionē, atq; in meatuum ad expurganda excrementa convenientia consideratur, à quo sumpta indicatio non est negligenda, quum ea maximè doceat, per quæ, & quomodo debeat fieri vacuatio, sive ad contrarias partes per communes derivando, sive alio quopiam Vacuationis genere uti velimus, ut copiosius demonstrat Galenus lib. ad Glauc.

Virtus etiam partis, ad quam, & ipsius usum, & sensum reducit Galenus, plurimum curationem variat. Quum enim, inter multiplices corporis nostri partes alias, principes sint, ut cerebrum, cor, hepar, quum virtus per nervos, arterias & venas toti corpori distri-

distribuitur: aliæ sint adeò necessariae, ut sine earum actione vita diu subsistere non possit, ut ventriculus; aliæ sensum exquisitum habeant, ut oculus, stomachus, cavendum est ne ejusmodi partibus (sive propter virtutem, sive propter actionem necessariæ fuerint, sive sensum exquisitum habuerint) ea medicamenta admoveamus, quæ immoderatè laxant, & resolvunt; aut supra modum refrigerant, aut extraneam, vel venenatam qualitatem habeant.

*De Phlegmone & ejus
curatione.*

Quoniam non solum generalem curationem novisse, sed etiam, in singulis exercitatum esse oportet, propterea quod cuique morborum speciei sua sit curandi ratio: ideò de singulorum tumorum speciali magis curatione breviter differemus, ab ipsâ phlegmone incipientes, quod & sæpius fiat, & plures

plures habeat differentias, ex quibus subinde febres contingere solent.

Phlegmone apud Hippocratem, & alios veteres, omnem calidam, & ardentem affectionem significabat, etiam si absque tumore fuisset, temporibus verò Erasistrati significare cæpit tum tumorem præter naturam, qui fit à sanguine extra venas, etiam minimas, ad partis cavitates insensibiles, exiliente, & ipsam partem distendente, cum rubedine, calore, dolore, pulsu, tensione, & renixu, cujus causa efficiens fluxio est ab externis vel internis, manifestis vel occultis causis excitata.

Phlegmones Tempora (quoniam pro eorum varietate varia illi remedia admoveri oportet) ante omnia distinguenda sunt: ea à Galeno quatuor statuuntur, Principium nempe, quo pars sanguine repletur; Augmentum deinde, quum fluxus cessaverit, quod verò influxit, incalescens & putrescens, fusionem & vaporem excitando partem magis quam antea

tea distenderit, etiamsi nihil influat. Vigor dum pus fit, tùm enim dolores ac febres fiunt magis. Cum tandem pus digeritur, tumor verò, tensio, calor, & reliqua symptomata immi- nuuntur, Declinatio appellatur.

Recentiores medici ad quatuor veluti capita totam phlegmones cu- rationem revocant, ad Victus ratio- nem, ad fluentis humoris Inhibitio- nem, ad jam fluxi Vacuationem, & emendationem Symptomatum, quæ aliquando tàm sæva superv- niunt, ut omnem medentis sollicitu- dinem ad se, neglecto jam morbo, convertant.

Victus ratio in phlegmone frigida semper erit, debet enim morbo (qui calidus est) repugnare, quod si febris affuerit, modice etiam humidus erit victus. Victus autem rationis nomine sex rerum non naturalium usum cum ipso Galeno intelligo.

Fluxio avertitur, si ejus causas aufe- ramus, plenitudinem & cacochimiam
venæ

venæ sectione, & convenienti purgatione tollendo, partem recipientem imbecilliolem roborando, calefactam refrigerando, ejus dolorem mitigando, meatuum laxitatem astringendo, humoris fluentis impetum venæ sectione è directo partis dolentis, cucurbitulis admotis, frictionibus, & vinculis, ad partes oppositas revellendo.

Vacuatio autem, qua proprie phlegmonem curamus, pro variis ejus temporibus, medicamentis varia facultate præditis fit, ut sæpe monuit Galenus. Nam in principio ad strigentibus & repellentibus (cognita partis naturâ) phlegmones materiam regimus, ut spongia oxytrato imbuta, si circa artus inflammatio fuerit, cataplasmate ex sempervivo, malicorio, in vino coctis, sumach, & polenta parato: conveniunt & panniculi in ovi albumine, rosacio, & aqua rosarum immersi, & inflammatae parti subinde admoti, repellunt etiam plantago, polyganum, & similia.

In-

Incrementi phlegmone , quoniam repellere, & leviter digerere tum oportet , rosaceum optimum est remedium, confert & cataplasmata ex malvæ, & absinthii foliis , ex rosis , farina hordei , & oleo chamælino paratum , juvat & linimentum ex sapa aqua rosarum aceto & croco.

In Statu oleum ipsum convenit, vel malva cum modico pane, & rosaceo illita. Valet etiam & melilotum cum pane in passo decoctum, & admotum. Item palmulæ in passo elixatæ cum pane, & rosaceo subactæ, & admotæ. Juvat & cataplasma, ex melle, & mica panis in aqua calenti macerata.

In Declinatione, quoniam valenter discutere convenit, malva agrestis pollet, valent & passulæ acinis exemptis cum pane, & modico mellis mistæ. Item hordei farina cum oleo, & melle, lana succida, & similia.

Et propter hanc medicamentorum in curanda phlegmone varietatem, qui primi ad inflammationes medicamen-

camenta composuerunt, ut cum Galenos merito varia materia opus habuerunt, quum & influentem substantiam repellere necessarium existimassent, & in pactam attenuare, concoquere, & discutere, partemque affectam roborare.

Symptomata medicum curantem interpellentia sunt dolor, materiæ ad internas partes regressus, scirrhus dispositio, & partis corruptio.

Dolorem anodynus sic sedamus, oleum rosarum, passum, & ceram cum utroque liquata, lana succida excipimus, quæ dolenti admovemus, ex oleo rosarum, ovorum luteis, paucis croco, & mica panis in aqua aut lacte calenti macerata, anodynum cataplasma sæpe paramus. Valet & malva in aqua cocta, mistis furfure, croco, oleo rosarum aut violaceo. Quod si doloris magnitudo horum & similium vires contempserit, narcoticis caute utemur, ut hyoscyami foliis recentibus sub calidis cineribus coctis, & axungia recentis mistis.

Mate-

Materiæ versus principes partes regressum impediemus medicamentis attrahentibus tumori admotis, cucurbitulis, corniculis, suctu, & similibus, de quibus accurate Hollerius disferuit.

Scirrhosam verò dispositionem emollientibus, & leviter digerentibus, (de quibus capite de scirrho) tollemus.

Putredinem autem scarificationibus profundis, item emplastro ex cordis, & fabarum farinis in oximelite coctis avertimus. At omnino putrefactam partem (quia à natura aliena est) amputabimus, de qua re paulo post, ubi de gangrena agemus, dicetur.

*De Phlegmone in abscessum
transf. & ejus curatione.*



Ἀπόστημα, id est, abscessus, generaliter tumorem omnem significat in quo corpora quæ se prius contingebant à se invicem abscedunt, inter quæ i-

71666,
2
915
nus est, quo substantia aliqua continetur. Abscessus species plures sunt, una quidem ea cujus generationem inflammatio præcedit, de qua nunc agemus; Aliæ ejus species nulla precedente inflammatione fiunt, ut antheromata, steatomata, melicerides, & similes de quibus nunc nihil dicemus.

Inflammatio porrò, cujus materia omnino resolvi non potuit, natura tamen nondum affluxionis victa, in abscessum proprie dictum degenerare solet, residuâ tumoris materia in pus conversâ, & in spatio aliquo collectâ. Futuram ejusmodi suppurationem indicabunt igneus loci fervor, eminens tumor, magisque rubidus, & durus cum dolore punctorio, febre aliquando, pulsu, & gravitate, ut aliquid ex particula suspensum esse videatur. Cum enim hæc apparuerint, ita ut nulla resolvendi spes relicta fuerit, à solventibus ad Suppurantia transeundum erit, servato interim convenienti victu

victu: statim igitur aqua temperate calida, aut oleo calido, aut hydreleo partem fovere conveniet; cataplasma ex farina triticea, quæ in hydreleo mediocriter ebullierit, eidem admove-re, vel ex pane mediocriter cocto, & hydreleo consperso. Confert & adeps suillus, vitulinus, anserinus, gallina-ceus, item tetrapharmacum, buty-rum insulsum.

Factum autem pus sic deprehende-mus, dolor, febris, si præcesserit, rubor, pulsus, & reliqua symptomata, minora apparent, tumor in mucronem fasti-giatur, & pus innixitis digitis sublabi-tur, præsertim cum ima occupat.

Quod si vomica facto pure sua sponte non rumpatur, ferro, igne, vel medicamentis est aperienda, alioqui serpit sanies, cuniculos facit, & vici-na corpora depascitur. Ferre sic aperie-tur; scalpellus ea parte adigendus, ubi mollior, digitis succumbit, & fasti-gium erigit, in parte decliviore, quo sanies commodius expurgetur: ca-

vendo ne totum pus aut sanies per remedia excutiat, si major vomica fuerit. Rectum verò, an transversum, vel obliquum, vulnus fieri debeat, indicabunt, partium figura, & flexus, rugæ cutis, muscutorum villi, arteriæ, venæ, nervi tendines, & alia subiecta corpora. Videndum etiam, ut quantum oporteat culter candens ferrum discindat.

Quod si ægri mollities neque ferrum neque ignem sustineat, ea admovebuntur, quæ vomicas aperiunt ut theriaca, urticæ semen in vino tritum, caules brassicæ cum radice cremati, triti & cum vetere axungia excepti, ostreorum testæ ustæ, lac ficulneum, tithymalorum succus, vini fex usta, pulvis cantharidum, & similia, hæc tamen tamdiu parti relinquenda sunt, quoad aperiant, non crustam inducant.

Aperta vomica, ulceri purgando linamenta ex contortis linteis decerpta conveniunt; nonnulli primis diebus

ovi vitello, alumine inspissato, utuntur: alii vitellis ovorum, paucum rosaceum admiscent, dein post tres dies melle rosarum colato, aut syrupo rosarum utuntur vel mundificativo ex apio, in contumaciori, Unguentis Apostolorum vel Ægyptiatio. Deterso jam ulceri mel rosarum & terebinthinam, admista thuris, myrrhæ, & aloës pauca quantitate admovent, & tandem cicatricem inducunt.

De Gangræna, & ejus curatione.

Cum inflammatio neque discutitur, neque suppuratur, neque digreditur, in Gangrænam transire solet. Est autem Gangræna mortificatio partis non dum integra: quæ fit ut plurimum ex inflammationis magnitudine, aut quia temperamentum, & qui illud comitatur spiritus corrumpatur, aut propter spirituum ne ad partem perveniant interceptionem,

aut propter utrumque simul; idque vel ab externis causis, ut vinculis, veneno, venenatis telis, medicamentis erodentibus, humidis, frigidis, frigore externo: vel ab internis ut à partis repletionem, obstructione, ingente inflammatione. Unde & incepta mortificatio, quomodocumque, fiat gangræna etiam dicitur.

Gangrænam indicant partis lividitas aut nigrities, rubore inflammationis evanescente, item doloris, sensus imminutus.

Partem ob inflammationis magnitudinem gangræna correptam (præscripta victus ratione tenui, & refrigerante, medicamentis cardiacis exhibitis, locoque etiam prius bolo armena, & terra sigillata, aceto dissolutis, in ambitu illito) profundis, & frequentibus sectionibus scarificabimus, sanguinemque copiose manare permittentes, locum deinde aqua salsa abluemus, & medicamentum ex oxymelite vel syrupo acetoso, admista crui
vel

vel lolii, vel fabarum, vel lupinorum
farinâ, eidem admovebimus. Aceto
aut mulso calenti in quo lupini decocti
fuerint affectam partem bis in die
lavabimus. Remittente verò morbi
furia, Ægyptiaco uti conveniet. Escara
ut decidat butyro vel medicamen-
to ex oleo rosarum, vitellis ovorum,
farina hordii, melle despumato, illine-
tur.

Si hæc nihil profecerint, ad uni-
cum quod superest auxilium ut reli-
quum corpus liberum sit confugi-
mus, id est, ad membri quod emori-
tur abscissionem. Exposito igitur ægri
periculo necessariis, ejus corpore, si
opus est, prius repurgato viribusque
exploratis, soporificum aliquod phar-
macum illi duabus horis ante sectio-
nem propinamus, commode eum col-
locamus, & vinculis si opus est, com-
prehendimus. Membrum ressecandum
tres digitos supra corruptam partem
novacula ad os usque abscindimus, ita
ut aliquid potius ex sana parte ause-

ramus quam ex corrupta relinquamus. Deraſo etiam perioſtio os ſerra acutiſſima quam proximè ſanæ carni reſecamus. Cauteria ſectiōni admovemus; butyro aut ſucco porri cum melle aut ſimilibus eſcaram, ut decidat, illinimus. Viribus modis omnibus conſulemus, & tandem vulnus ut reliqua vulnera tractabimus.

De Carbunculo.

Carbunculus eſt tumor præter naturam cum ulcere cruſtoſo, conbuſto, nigro, vel cineritio, aliquando ſplendente, cumque tanta partium circumſtantium dolorifica inflammatione, ut eas elevet, & febrim excitet. Hujus materia eſt aut ſolus ſanguis craſſus, & ita aduſtus, ut in confinio bilis atræ ſit conſtitutus, aut ſanguis quidem craſſus ſæculentus, & aduſtus, ſed qui tenues, & ſeroſas humiditates admixtas habeat.

Hic affectus, inquit Galenus, perpetuò

tuò malignus est, veluti à pravis productus humoribus, cum tamen deterior sit, quando cum nativa malignitate, maligna ex constitutione conjuncta fuerit.

Carbunculo laborantes victu tenui frigido, & humido, nutriendi sunt, eorum cor (non neglectis aliis principibus partibus) sumptis & admotis roborando. Sanguis illis è directo, & propinquo loco etiam ad animi defectionem (ut ait Galenus) si nil impedierit mittendus.

Fluxio numquam avertenda, propter humoris tum crassitiem, tum malignitatem, ne partes in alto corpore reconditæ offendantur.

Tumor in pustulæ ambitu, aut ulcus crustosum, ut alii volunt, plagis altioribus scarificatur, aqua falsa calente sectiones abluuntur, cataplasma ex mica panis lente cocta, & plantagine admovetur parti. Supra ulcus etiam, valens aliquod medicamentum, ut Andronis Pasionis

Polyde vino dulci ad sordium spissitudinem solutum imponitur. Cessante vero inflammatione, & detracta butyro recenti, vel alio convenienti medicamento eschara, ulcus ad cicatricem reliquorum ulcerum more perducitur. Valet ad carbunculos, emplastrum ex malo punico in aceto cocto. Valet & consolida major, inter duos lapides trita, & admota.

De Erysipelate.

Erysipelas est inflammatio valde ardens, circa cutim maxime consistens, & aliquando aliquid subjunctæ carnis occupans, ex sanguine, substantia tenui, aut ex sanguine, & bile, calidioribus quam oporteat, aut ex bile aquosa sanie commista, cum tumore vel exiguo, vel sæpe (quo ad sensum) nullo: cujus color pallidior aut magis flavus est, phlegmones, & si tetigeris facile sanguis subterfugit, rursusque illabitur exquisite tenuis, & aspe-

aspectu rubeus. Hanc affectionem biliosæ fluxionis sobolem esse, pluribus locis docet Galenus propterea quod ejus materia ad bilis naturam proxime accedat, quamvis ab initio bilis non sit, sed in ejus confinio posita, eodem prorsus modo quo dicimus carbunculum ab atra bili fieri, quod ex sanguine crasso, & adusto fiat, non tamen ita adusto ut in atræ bilis naturam exquisite transierit, sed quod in ejus confinio sit constitutus. Sic etiam Erysipelatis materiam bilem flavam Galenus & cæteri medici autumant, quoties tumorum præter naturam differentias ad humorum analogiam revocare volunt: quum tamen è bile flava per se separata, & exquisita, aliquo decumbente, tumor fieri non potest, quin eum statim ulcus comitetur, ut in herpete videre sit. ob id Galenus in legitima tumorum præter naturam divisione Erysipelas prætermisit, quod in vero erysipelate non semper tumor appareat.

Erysipelas aut fit, aut factum est: ejus quod fit absolutionem impediemus (perinde ac in phlegmone) fluxionem inhibendo, & jam fluxum humorem vacuando. Facti verò curationis unus est scopus, quemadmodum & aliorum omnium tumorum, nempe vacuatio, quæ facilius succedet, si & victum convenientem præscripserimus, & noxia symptomata emendaverimus. Victus erit frigidus & humidus, cavendo vinum, omnia dulcia, acria, pingua, exercitationem vehementiorem, aërem calidum, & similia.

Fluxionem avertemus ejus causas tollendo, (ut in phlegmone) itaque & partis recipientis imbecillitatem robore, & ejusdem calorem doloremque refrigerare, & mitigare, & meatuum per quos fit fluxio, laxitatem extinguere, atque humoris impetum si plenitudo in corpore fuerit (nam & hæc aliquando etiam Galeno erysipelatis causa existit) per venæ sectionem,
ut

ut recte Celsus, & Paulus voluerunt, vacuando revellere convenit.

Vacuatio autem fiet primo totius corporis medicamento aliquo cholagogo, quamvis aliquando alvum clystere solvisse fatis erit. Deinde parti dolenti medicamenta cum humiditate refrigerantia (nam, & humorem repellendi vim habent) leviterque digerentia; ne aut bilis ad princeps aliquod membrum regeratur, aut pars nimium refrigerata livescat, ad coloris mutationem admovebimus. Ad hoc conveniunt solanum, sempervivum, umbilicus veneris, psyllium, lentacula palustris, & similia, item unguentum rosarum, ceratum aliquod refrigerans.

Remittente jam partis inflammatione, priusquam livescat, cataplasma ex hordei farina est imponendum. Et si livor jam occupaverit, incisa cute cataplasma superponendum est, locusque perfundendus aqua calida, sed amarina aqua, & muria interdum con-

ducent, quam etiam ipsi cataplasmati talis aqua vel acetum, vel acetosa aut muria miscetur. Si Erysipelas in duritiem convertatur, ut scirrhus erit tractandum. Si verò exulceratus fuerit, ut herpes:

De Herpete.

Ut ex sanguine puro phlegmone fit, ita ex bile flava exquisita herpes: de quo (quamvis inter ulcera potius quam inter tumores sit collocandus) aliquod tamen leviter dicere propter horum inter se familiaritatem operæ pretium videtur.

Est autem herpes ulcus cum tumore summas cutis partes occupans, à bile exquisita eo decumbente ortum habens. Ejus tres constituit species Galenus, quarum una fit à tenui bile, quæ cuticulam veluti deurit, & simpliciter Herpes nomine generis re-
rento dicitur.

Secundum genus fit à bile crassiore,
quæ

quæ totam cutim ad carnem usque exulcerat, ab Hippocrate Herpes Depascens vocatur. Tertium genus à bile satis tenui fit, quæ aliquod pituitæ admistum habeat, appellaturque Herpes Miliaris à similitudine quam habet cum granis milii, non enim protinus ulcus facit quemadmodum, & alii herpes, sed admodum exiguas pustulas ad milii speciem, quæ interposito spatio in ulcus abeunt.

Cum igitur in herpete ulcus sit cum tumore conjunctum, ejus curatio ex utriusque affectus remotione conjuncta etiam erit, nempe ex fluxionis (si adhuc fiat) inhibitione, humorisque tumorem committentis evacuatione, & mediocri exiccatione. Nam ut tumoris curatio vacuatio est; ita ulceris mediocri exiccatio, tumori tamen (quoniam ulceris exiccationem impedit) prius est succurrendum. In herpete igitur curando, fluxio primo est inhibenda, corpus repurgando medicamentum, & bilem, & pitui-

tuitam educere debebit, aliquando tamen satis erit alvum leviter solvere, vel urinas mediocriter movere.

Parti verò affectæ admovenda sunt quæ tumoris materiam vacuare leviter digerendo, & astringendo, & ulcus exiccare possunt. Hujusmodi sunt vitis capreoli, folia rubi, rubi canini, arnoglossum, idque in principio: post hæc vero, & lens adjungenda est, & aliquando mel, & polenta; item cataplasma ex malicorio, ex sumach. in vino decoctis, levigatis, & admista polenta ad cataplasmatism formam redactis. Victus erit ut in Erysipellate. Symptomatis etiam, si quæ curationem interturbent, convenientibus remediis erit occurrendum.

De Oedemate.

A frigida etiam materia tumores sæpe fiunt, ut à pituita vera, aut aquosa & tenui, à flatu vaporoso, succo melancholico, à crassis, frigidis, & concre-

cretis succis vel per se separatim vel inter se mistis.

A pituita quidem aut spiritu vaporoso tumor excitatur mollis, rarus, laxus, albicans, doloris expers, sine calore, & si prematur, parte cavata, digitis cedit. A Galeno & recentioribus œdema dicitur, quamvis apud Hippocratem multo satius pro omni tumore præter naturam œdematis nomen usurpetur, ut in principio dictum est.

Oedema autem, quatenus tumorem mollem & laxum significat, duplex est: aut enim morbus est, aut symptoma, quale est in pedibus, & cruribus eorum quos aqua inter cutem, aut phthisi aut cachexia vexat, persæpe videmus.

Causa œdematis est aut pituitosi, five vaporosi humoris fluxio, aut excrementi pituitosi, vel flatuosi in parte, propter ejusdem in coquendo alimento, & in expellendis excrementis imbecillitatem congestio.

Si-

Signa ipsius œdematis sunt	{	Tumor	Mollis
			Laxus
			Rarus
			Doloris expers, & mi- tis
			Digito premanenti cavata parte cedens
		Color albicans	

Definit œdema	{	Sæpe per Digestionem
		rarius per Suppurationem, propter materiæ frigiditatem, nisi in locis calidioribus fiat
		Aliquando in scirrhum, aut nô- dos, aut abscessus frigidus.

Si fluxio propter totius corporis cacochymiam pituitosam, œdema excitaverit, purgandum erit corpus phlegmagogo aliquo, si vero ab una tantum parte fluxio fiat, ut cerebro verbi gratia, repurgato etiam prius universo corpore, cerebrum propria vacuatione erit exonerandum. Deinde parti affectæ ea qua repellendi leviter, (si adhuc fluxio fiat) digerendi, exiccandi, vim habent, admovebuntur. Abunde aliquando satisfiet nova spon-

spongia, quæ in posca potabili manduerit, cum vinculo leviter stringente imposita, quod ab inferiore parte acrius incipiens, supra paulo laxius finiat. Quod si sub his œdema non subsideat, ubi rufus deligabis, pusillum aluminis adjicies, & novam spongiam iterum posca magis acida madentem, adhibebis. Et si novæ spongiæ copia non sit, veterem deterges, expurgabisque nitro, aphronitro, & aqua lixivio: aut ejus loco mollissimo ellychnio posca madenti utaris. Confert etiam spongia imbuta posca in qua cineres, & nitrum decoxeris. Accidente statu (quemadmodum in veteri œdemate) detergentibus magis uti conveniet. Ut spongia ex lixivio acrius alligata, parte prius oleo inuncta. Discutiet etiam laxos tumores Isatis sativa. Item spongia imbuta lixivio ex cinere fici sarmentorum, vel Ilicis. Alii Linimento parato ex alumine, sulphure, myrrha, sale, & aceto, rosaceo, uti malunt.

Quod

Quod si œdema non discutatur, sed videatur ad suppurationem se convertere, & in abscessum transire velle, ut id quod partes calidiores occupat aliquando facere solet, tum Suppurantia illi admovenda erunt, & vomica (si sua sponte pus non egrediatur) ut superius dictum est, aperienda. Deinde ulcus detergetur, & Cicatrice obducetur.

At si in schirrhosam dispositionem œdema convertatur, ut scirrhus tractabitur, de quo paulo post dicemus.

Toto autem curationis tempore attenuante victus ratione erit utendum, & partes principes, atque eæ maxime quæ coctionibus subserviunt, erunt roborandæ.

At Oedema, quatenus symptoma est, nullam seorsim propriam curationem requirit. Nam satis erit, si modo curatio urgebit, ipsum tumorem perfricare alias oxyrhodino, alias oleo cum sale, aut etiam oxyrhodino sal habente.

De

De

De Flatuoso Tumore.

Docendi ratio postulat, ut aliquod jam de inflammatione dicamus, quum cognatione quadam œdema, & inflatio inter se contineantur. Nam ex frigidis, & pituitosis humoribus œdemata fiunt, & ex iisdem maxima ex parte dum in eos ingenitus calor imbecillior agit, vaporosus spiritus ipsius inflationis materia excitatur. Adde quod ut œdema sine caliditate est, ita spiritus interclusio flagrantem affectionem efficit.

Nascitur igitur Inflatio, ex vaporoso spiritu in cavitatibus vel sensui expositis, vel ratione contemplabilibus collecto. Unde duo flatuosorum tumorum genera constituere videatur Galenus. Alterum quo flatus in spacio sensibili ut in ventriculi, intestinorum, peritonei capacitatibus, sub cute, perioestio, vel aliis membranis continetur, & huiusmodi proprie inflatio dicitur:

citur: ab œdemate differens, quod, & aliquando dolorem excitet, & pressa digitis vestigiū non teneat, & sonitum veluti tympanum plerunque reddat: alterum genus (quod veri œdematis naturam proxime accedit) est, quo flatus iis quæ ratione cognoscuntur spaciis comprehenditur, ut quando per muscutorum, aut aliarum partium substantiam deffeminatus fuerit.

Causæ potissimum in flatuoso tumore spectandæ	Efficiens calor natus languidior	Materialis	In ventriculo & intestinis	Humores crassi & frigidi.	
				Cibi frigidiores.	
			In cæteris partibus crassi, frigidi, & viscidum humores		
				Densitas partium	
				Meatū	Angustia Obstructio.

Inflationis Curatio ex communi indicatione posita est in vacuatione flatus.

tus. Cujus vacuandi rationem ex illa triplici causarum varietate deprehendimus. Languentem itaque calorem nativum roborare, & vaporem crassum discutere, humoremque frigidum, viscidum, aut crassum, flatus, materiamque frigidum attenuare, ipsumque continens corpus rarefacere conveniēt.

Calor ventriculi primæ coctionis officinæ (cujus errorem sequentes emendare non possunt) roboratur aromaticis stomachicis, & electuariis ad hoc dicatis, ut Diacymino, Diacalamēto, Aromatico, Gariophilato, Aromat. rosarum Diagalanga, & similibus. Medicamentorum autem quæ flatus, & crassos humores discutiunt, & attenuant, corpusque rarefaciunt, materia commutatur secundum patientium partium differentiam. In ventriculo igitur vel intestinis vapor aut flatus contentus discutitur Oleis calidis, & tenuium partium (qualia sunt ea in quibus ruta aut simile quid,
Item

Item semina calida carminativa vulgo dicta incocta fuerint) nunc admotis, nunc per clysterem injectis.

Prodest, & cucurbitula sine incisione bis terve medio ventri affixa, si in intestinis flatus fuerit. Quod si in artubus aut musculis, aut sub cute, & membranis quæ ossa investiunt, inflatio fuerit sine dolore, satisfaciet spongia nova imbuta lixivio, alias per se, alias cum oleo; ad musculos vero inflatos si dolor affuerit in principio lana succida modice calida, sapa, vino acerbo & oleo imbuta, admota confert. Increfcente morbo additur & lixivium.

De Aquoso Tumore.

Ad œdematis etiam naturam propter suæ materiæ temperamentum aquosus tumor proxime accedit. Est autem aquosus tumor, serosi & alieni humoris in parte aliqua corporis præter naturam collectio, cum ejusdem
partis

partis secundum quantitatem excessu. Hujus Causæ variæ sunt, & ejus Species varia fortiuntur nomina, pro partium affectarum varietatē. Nam si propter hæmatoseos labefactionem alimentum quo singulæ partes nutrirī debent, in crudam, aquosam, & serosam quandam substantiam, convertatur, & in peritonæi capacitatem colligatur, Ascites hydropis species fiet. Si verò serosus ille humor in scrotum quacumque ex causa descenderit, Hydrocelem efficiet. Verum si aquosus humor in capite sub calvaria, aut pericranio, aut externa cute colligatur, sive id ex nutricum negligentia, (ut aliquando accidit pueris quum primum in lucem eduntur,) sive causa latente, sive ruptura vel vasorum apertione, fiat, proprie hydrocephalos appellatur. At si serosus humor acris, & mordax, propter putredinem, vel ebullitionem, vel bilis mistionem factus, in partem aliquam secesserit, phlyctenas excitabit, quæ etiam

sæpe, & attritu & ab igne, & ab aqua fervente excitantur.

Dignoscuntur aquosi tumores, ex partis tensione; & ejusdem splendore. Item ex fluctuatione, quæ sentitur si premant digitis.

Horum autem omnium chirurgica curatio aut sectione, aut punctione, sive perforatione (qua parte humoris colluviem subesse sentimus) aut ustione perficitur, ut docet Paulus lib. 4. & 6. de qua re amplius nunc disputare operis brevitatis non patitur.

De Scirrbo.

Ex humore crasso, & succi melancholici analogiam atque naturam (propter siccitatis, & frigiditatis exuperationem) referente, scirrhus nascitur. Est autem scirrhus tumor durus, doloris expers, cum sensu aut exiguo, aut prorsus nullo. Hunc autem ab humore melancholico, aut pituitoso, aut simul ab utroque originem

ginem habere ait Galenus. Fitque aliquando à principio, nullo tumore præter naturam præcedente, cum humor ille glutinosus aut crassus, id est, ut alio loco exponit Galenus, pituitosus, melancholicus, aut ex utroque mistus, parvis particulæ meatibus impactus fuerit. Alias verò scirrhus alios tumores, ut phlegmonas, erysipelates, vel œdemata cōsequitur, eorum materia tenuiori parte per halitum digesta, crassiorè vero refrigerata, & veluti in lapideam duritiem conversa: ut sæpe malorum medicorum imperitia accidit.

Scirrhi à principio exorti Causæ sunt viscidorum, & crassorum humorum ad partem fluxio, vel eorundem in ipsa parte collectio, idque, vel propter pravam victus rationem crassum, & viscidum humorem generantem, vel propter hepatis, aut lienis affectionem, vel propter hemorrhoidum aut mensium suppressionem, adjuncta partis quæ afficitur imbecillitate.

Scirrhi verò , ex coincidentia , præcipua causa est , nimia aliorum tumorum præter naturam frigeratio , aut intempestiva , & immodica eorum digestio.

Consueverunt schirrhi aut in externis partibus , ut in muscutorum capitibus , & qui ab eis prodeunt tendonibus consistere , aut internis , ut in liene, hepate, & rehibus.

Scirrhus autem deprehendetur duritie, frigiditate, insensibilitate, & aliquando calore.

Scirrhus summe induratus insana- bilis est , at hic in quo adhuc sensus est , etiamsi sit obscurus incurabilis non est , ne futilem curationem susci- pit, cujus sanatio vacuatio ejus est , quod in parte præter naturam con- tinetur. Vacuabitur autem commodè admotis malactitis, id est, medicamen- tis secundo aut tertio ordine excale- facientibus, & primo ordine exiccan- tibus , habita semper majoris, & mi- noris ratione: nam aliquando imbe-
cillio-

cillioribus, alias verò valentioribus erit utendum. Modice emolliunt adipēs gallinarum, gallorum, medulla cervina, vitulina, valentior est adeps anserinus, taurinus, caprarum, hircinus. Valenter etiam remolliunt olea, fabinum, anethinum, & laurinum. Item radices cucumeris agrestis, & althææ partim in aqua, partim oleo decoctæ. Item malva agrestis, tam cruda quam cocta. In tendonibus verò, & ligamentis curantur scirrhi suffitu lapidis pyritris aut molaris calentis in aceto extincti. Sed hæc inutilia erunt, nisi & totum ægri corpus conveniente pharmaco repurgatum prius fuerit, & æger ipse convenienti victus ratione utatur: cavenda ea omnia quæ succum crassum & viscidum gignunt, quorum catalogum, vide apud Galenum lib. 3. locis off.

De Cancro non ulcerato.

Humoris etiam melancholici soboles

les est, *καρκίνωμα*, id est, cancer, sic dictus, quod figura, & forma cancro animali aquatico omnino similis sit. Est autem cancer tumor, ex accidenti calidus, nigricans, immobilis, cum rotunditate inæqualis, interdum torpidus, sæpe dolorificus, utrinque venas inflatas, pallentes aut liventes, & canceri pedum modo recurvatas, fæculento sanguine incalescente distensas (ob quas, & circa locum veluti puncta sentiuntur) habens, qui difficillime à partibus quas obsederit, ut cancer animans à rebus quas pedibus comprehenderit evellitur.

Hujus morbi causa continens succus melancholicus est, non solum in parvis particulæ meatibus, ut in scirrhus accidit, sed etiam in venis circumjacentibus, impactus, & in eis putre-
re incipiens. qui si magis putruerit, & acrior atque malignior factus fuerit, exulceratum cancrum efficiet.

Ratio etiam victus crassum, & fæculentum sanguinem gignens, hepatis

patis ad ejusmodi superfluitatem procedendam aptitudo, lienis in sanguine repurgando imbecillitas, mensium, hæmorrhoidum, & aliarum consuetarum vacuationum suppressio, ad hæc partis affectæ imbecillitas, sæpe cancerum efficiet.

Malum hoc oriri consuevit in oculis, naribus, auribus, labris, palato, sede, sinu muliebri, aliisque quibuslibet partibus, sed præcipue in scæminarum mammis, quoniam natura inanes, fungosæ, imbecilles sunt.

Atrocis, & ferini hujus mali prima rudimenta inter initia antequam melancholicus humor crassior factus in affecta parte altius radices egerit, prohibere licet exhibitio vere & autumno forti & frequenti medicamento malanagogo, scissa tamen prius vena, si ætas & vires permiserint: iis etiam omnibus in victus ratione vitæ quæ succum crassum, & sæculentum gignere possunt: interea hepatis si opus erit, & lieni, sumptis, & ad-

36 *De Tumoribus Præter Naturam.*

motis est prospiciendum, & hæmorrhoides atque menstruæ purgationes si suppressæ fuerint, provocandæ, & pars affecta roboranda.

At si tumor in molem satis insignem attollatur, sine manu non confanescit: nam totum tumorem, qui partibus sanis adhæret, ita abscindere oportet, ut nulla omnino ejus radix relinquatur, quod propter vasorum circumstantium magnitudinem fieri non potest sine nimio sanguinis profluvio, nisi aut laqueis ipsa vasa interceptantur, aut urantur, quorum neutrum sine ægri summo discrimine fieri potest, & tum maxime cum cancer ipse internas partes occupaverit, quâ ratione motus divinus Hippocrates occultos cancos exquisitè curare prohibuit.

Libri Primi Finis.

SYNOPSIS
CHIRURGICÆ
LIBER II.

De Vulneribus.

Solutam unitatem sibi vendicant Schirurgi, quatenus circa eam plus manu perficiatur, quam aut medicamento aut diætâ. Solvitur autem unitas tam similiarium partium (sive molles fuerint sive duræ) quam organicarum ab externa causa aut ab interna. Ea verò unitatis divisio quæ in similibus partibus mollibus, à causa externa vulnerando affligit, à Latinis generali nomine vulnus appellatur, id est, hians apertura corporis, ictu aliquo, aut casu vel morsu, inflicta: quod vitium alias ulcus, alias ulcus recens, interdum verò ulcus tantum à Galeno vocatur.

De Vulnerum Causis.

Vulnerum Causæ, five animatæ fuerint, five inanimæ, externæ sunt cæque in universum tres, pro quarum varietate ipsa vulnera varia sortiuntur nomina. Nam quando à re acuta, tenui, & pungente vulnus infligitur, Punctio appellatur: quando vero ab acuta incidente, ut à gladii acie Incisio, aut vulnus discissum: quando à gravi, dura, retusa, inæquali, valenter irruente, frangente vel obtundente, Contusio, aut Obtusio cum direptione, aut Collisio five collisum vulnus.

De Vulnerum Differentiis.

Natura, à qua dicitur vul- nus	{	Simplex		
		Conjun- ctum cum	{	Causa, Morbo, Symptom.
Essentia quæ inquæ- ritate posi- ta est, à qua dicitur	{	Magnum quia	{	Longum, Latum,
		Mediocre	{	Profundum,
		Parvum quia	{	Breve Angustum In superficie.

Vul-

Vulne- rum Diffe- rentia, quæ maxi- me ad cura- tionis indica- tio- nem, & ad judi- cii cer- titudi- nem fa- ciunt, su- mun- tur aut à	Vul- ne- ris- pius	Figura à qua appel- latur	Rorundum five circulare. Rectum Transversum Obliquum Æquale Inæquale, ut	Diruptum Altera parte latens Altera ma- nifestum.
		Situ & loco à quibus dicimus id fieri	Juxta articulos Longe ab articulis In muscoli	Capite Ventre Cauda
		Tempore à quo dicitur	Recens five tum, Vetus.	Cruen-
		Similaribus, un- de dicitur fie- ri in	Cute, Carne, Glandulis, Venis, Arteriis, Nervis, Membranis, villis, Adipe.	
	Par- tibus Vul- ne- ratis	Orga- nicis, ut quan- do fit in	Cerebro, oculo, naribus, aure, Fronte, labiis, lingua, faucib. Aspera arteria, œsophago, collo Brachio, manu ex- trema, thorace. Pulmo- ne, corde, diaphragma- te. Ventriculo, hepate, liene, intestinis Reni- bus vesica, Utero, Pu- dendo Stroto, cruribus, bus.	
			Alit omnibus partibus.	

De Vulnerum Signis.

Vulnerum notæ aut diagnosticæ sunt, aut prognosticæ. Dignoscitur autem vulnus sensus iudicio. At Prognostica ejus signa sumuntur ex ejusdem magnitudine & figura, ex partis vulneratæ substantiæ temperamento, conformatione, situ, virtute, habita ratione sexus, ætatis, temporis constitutionis, anni partis, regionis, generis, diætæ, & symptomatum supervenientium.

Vulneris autem magnitudo deprehenditur ex

Affectæ partis præstantia, propter quam lethalia dicunt vulnera, quæ sunt in partibus, quarum virtus aut actio, toti corpori, & vitæ est necessaria, ut cerebri; hepatis, intestinorum, ut sicæ vulnera apud Hippoc. lib. 2. Prædictionum. Affectus in triplici dimensione seu magnitudine, ab quam magna, & periculosa vulnera, quæ futuris, vel vinculis indigent, qualia etiam sunt ea quorum meminit Hippoc. aph. 18. lib. 6. aphoris.

Sen-

Sensilitate, propter quam etiam magna vulnera dicuntur, quæ in articulis accepta sunt. Item quæ sunt in capitibus, & finibus muscutorum maxime nervosorum *com. in. aph. 66. lib. 5.* Item ea quæ à talis venenatis, vel venenatorum animalium morfu infliguntur.

Ex illa enim triplici magnitudine, rectè considerata, facile cognoscet Medicus quæ ut ait Celsus ante omnia in vulneribus scire debet, nempe.

Quæ insanabilia sunt vulnera, ut ea quæ sunt in basi cerebri, corde, pulmone medio, stomacho, jecinoris portis, spinali medulla, intestinis jejuno, & tenui, renibus, arteria aorta, Vena cava, venis, & arteriis magnis circa fauces.

Quæ difficilem curationem habent, ut ea quæ sunt in ulla pulmonis parte, crasso jecinoris, membranis cerebrum continentibus, liene, intestino aliquo, septo transverso, articulis, poplitibus, inanibus locis, quacunque parte venæ majores sint, aut quoties mucro ad grandes venas intus conditas descendit.

Quæ promptiora, ut ea quæ in carne sunt, & hæc quidem loco, vel priora, vel meliora sunt, modo vero periculum facit quodcumque magnam est.

De *Universali vulnerum*
Curatione.

Vulnus curabitur si partes dissolutæ uniantur conglutinatione vel coalitu : quod fit solius naturæ beneficio , medico tamen naturam adjuvante , dum tela , alia omnia , quæ eorum glutinationem impediunt, ex ipsis Vulneribus amovet : distentas , & separatas Vulneris partes applicat ; adductas , & applicatas ita partes , futuris , fibulis , & vinculis stabilit : partis vulneratæ salubrem substantiam convenienti victu , & medicamentis , conservat : & symptomata supervenientia modis omnibus depellit.

Ante omnia igitur ex vulnere eximendum est quodcumque in id inciderit, sive telum, aut rei alterius frustulum , sive pilus , sive etiam sanguinis concreti grumus , quod fit aut manu cum ferramentis , aut medicamento superposito , & quoniam locum

in

in corpore in quo telum delitescit, exquirere, & invenire, ipsumque telum extrahere, ita artificiosum est, ut id aggredi solis expertis concedat Hippocrates, ideo de Signis quibus delitescencia tela deprehendantur, & de eorum extrahendi ratione est dicendum.

Deprehenditur telum si vulnerati corpus in ea figura constituatur, in qua erat, quum vulnus accepit, quod si non possit sic construi, jacens ita collocabitur, ut quam proxime ad eam figuram accedat, ut ex Hippoc. consulit Paulus.

Ad hanc etiam dignotionem juvet, & substantiam, & situm, & figuram, & connexionem atque vicinitatem partium vulneratarum novisse: & omnia quæ superveniunt symptomata, de quibus copiose Celsus, & Paulus.

Ratio vero extrahendi tela, & inveniendi instrumenta, quibus ea evellantur, partim ex instrumentis qui-

quibus exacta cognitione omnimodæ naturæ partium vulneratarum, partim extelorum ipsorum diversitate dignoscetur. Naturam partium affectarum cognoscet qui earum substantiam, substantiæ modum, temperamentum, figuram & situm, connexionem, usum, actionem, vires, & dignitatem noverit.

Telo- rum verò diver- sitas co- gno- scitur ex eo- rum- dem	Fi- gurâ	{ Lata, longa, inæqualia, Rotunda, angulosa, sulcata. Hama- ta cu- spide, line cuspi- de a- culeata spicu- lis cin- cta.	{ Antro- sum. Retro- sum	{ Quo se- se ex- pan- dunt dum,	{ Emit- tuntur. Extra- huntur
		Magnitudine,	{ Magna. Mediocri. Parva.		
		Numero, quod sint aut	{ Simplicia. Multiplicia vel ex multis ferra- mentis. Composita, quorum nonnulla dum alia extrahuntur, in imo delitescunt.		
					Habi-

Habitu quod alia habeant ferrum vel	Acum, Con- cavum	Hæ- rens	Fimicer Neglegen- tius, ita ut in extra- ctione re- maneat.
Viribus	Venenatis Veneño minime infectis.		

Omne autem telum extrahitur, aut ab ea parte, qua venit; aut ab ea in quam tetendit: ab ea parte, qua venit extrahitur, si non alte insedit, & in summa est, si à regione magnas venas, & loca nervosa aut os habuerit; aut si nervos venasque aut arterias non transiit.

Extrahitur verò vel manibus (si id commode fieri potest) ul quum in carne sola fixum est telum, vel vulsellis; ut quum telum non firmiter, altius tamen hæserit, quam ut digitis comprehendi possit, vel forcipibus rectis, incurvis, extremâ parte rotundis, & cavis, vel terebris inversis, ampliata tamen prius scalpello plaga, ne à telo dum redit, corpus lanietur.

Me-

Medicamenta etiam, quæ tela & spicula in corpore infixæ educunt, quædam reperiuntur, ut radix pectenis veneris cum malva tusa, ambæ anagallides, aristolochia, ammoniacum cum melle, erundinis radix contusa & melli admixta, alteri fructus tristis, dictamus, propolis, lacertæ caput tritum, & appositum.

Ab ea autem parte, in quam tendit, extrahitur telum; si plus est, per quod illi revertendum, quam quod integrum est: si in majore membro mucro medium transit: si neque os neque nervus neque vasa insignia, divisionem impediant. Incisa igitur contra mucrone carne laxiusquam ut telo postea transiente ampliatur, telum ipsum vel Balista dicta, vel impellente cavo aut solido protruditur.

Quod si telum infixum delituerit, ut nullo modo reperiri possit, aut non sine majore discrimine propter
vici-

vicina corpora extrahi, tam diu dimittendum erit obducta etiam cicatrice donec ipsum procedat.

Extracto telo sanguis ex vulnere, propter telum alteratus, ne putrescat, exprimitur : vulnus ipsum (si doloris metus sit) oleo calente perfunditur.

Cæteris etiam symptomatis, quæ supervenire possunt, erit tempestive occurrendum, atque ob id ad ea chirurgus semper attentus esse debet.

Secundus in vulnere curando chirurgi scopus est orarum vulneris adductio, suppresso tamen prius, si nimis erumpat, sanguine, si parum fluit, extracto : quoniam Hippoc. omni recens facto vulnere nisi in ventre sit, expedit eo ipso statim sanguinem plus minusve effluere.

Adducuntur autem hiantis vulneris partes, atque etiam in unum coacte conservantur, aut vinculo, aut futura, aut fibulis aut horum nonnullis aut omnibus, sumpta indicatione
à vul-

à vulnèris magnitudine atque à natura & situ partis vulneratæ.

Nam in vulneribus secundum musculorum rectitudinem factis vinculo duobus initiis circumdato utendum erit. Fascia verò aptissima lintea est lata (ut semel injecta non vulnus tantum, sed paulum utrinque etiam oras ejus comprehendat) non nimium mollis, & fragilis, quo tuto contineat, neque rursus ita dura ut premendo offendat. Tum verò ipsa circumductio nec ita laxa sit, ut nihil efficiat, nec ita vehemens, ut premendo dolorem excitet, sed contineat, non astringat. si ab altera parte caro magis recessit, ab ea magis fascia attrahetur. Hyeme sæpius fascia circuire debet, æstate quoties necesse est: tum extrema pars acu inferioribus assuenda, nam nodus vulnus lædit.

Sutura verò utendum erit in transversis, vulneribus, in vulneribus quorum oræ plurimum dissident, & facile attrahuntur. Item quando caro alia parte

parte dependens, alia integra hærens conjunctione corporis fovetur, plagaque fit in parte molli, ut in imbre aure, imo naso, bucca, palpebra, labro, cute circa guttur, cute frontis, abdomine, & similibus, cavendo ne quid concreti sanguinis, aut rei alterius, in vulnere relinquatur.

Suturarum autem varia sunt genera: alia enim futura fit acu filum trahenti, transfixis in girum utriusque vulneris oris, ut pelliones pelles confuere solent, quo modo sauciata intestina suuntur:

Item membranosa loca, carne destituta; atque etiam aliæ omnes partes, quando fluentis sanguinis impetus, alio futuræ genere uti non permittit.

Alias vulneris labra ita suuntur, primus punctus duabus fili involu-
tionibus stabilitus, in medio divisionis fit: factoque nodo filum paulum à nodo scinditur, deinde utrinque in mediis spaciis fiunt & alii punctus unica fili involutione, & nodo, ut
supra

supra firmati, & ita deinceps si opus erit inter quoscumque duos punctus, punctus adhuc fiet.

Aliquando in magnis, & profundis vulneribus futura fit, transfixis utrisque vulneris labris tot numero acubus quot opus fuerit, circa quas filum eo modo quo rusticæ mulieres acus suas in vestibis observant, involvitur: relictis ibi acubus usque ad vulneris agglutinationem.

Suitur etiam vulnus aliquando hoc modo: pinnae convenienti longitudine utrinque vulneri adaptantur, acu filum trahente utrinque vulneris labrum trajicitur, ibique filo altera pinna comprehensa, acus per idem foramen reducitur, deinde extrema filorum, euntis inquam, & redeuntis, quibus & altera pinna comprehenditur, nodo constringuntur, & filum abscinditur: in quo etiam futuræ genere tot puncta fieri debent, quot pro vulneris magnitudine necessaria videbuntur.

Alias

Alias non vulnus fuitur, sed pul-
villi pannei triangulares, linimento,
pertinaciter hærente, ex sanguine dra-
conis, mastiche, thure, sarcocolla
polline, & ovi albumine, parato, illi-
ti, utrinque parum à lateribus vulne-
ris adaptantur, qui posteaquam perti-
naciter hæserint, convenienter fuun-
tur.

Sunt & alia futurarum genera,
quibus discissum abdomen confui-
tur; quæ ob id *hæreses* à veteri-
bus appellantur. Horum primum ge-
nus ita administratur, ab externa cute
incipiendo introrsum acus injicitur,
ubi verò tum cutem, tum subjectum
musculum totum transierit, præterito
quod musculo subest peritoneo, per
reliquum peritoneum, & abdomen
ab interno extra transmittitur: ubi hoc
penitus transierit, rursus ab externo
introrsum idem abdomen est perfo-
randum, & præterito (ut supra) subje-
cto peritoneo, contrarium peritoneum
cum toto illi conjuncto abdomi-
ne

ne ab interno extrorsus perpungendum, atque sic iterum iterumque faciendum, quoad totum vulnus similiter confutum fuerit.

Alio modo abdomen ita fuerit oportet; à vicino nobis abdomine incipere, atque ab externo introrsum, per id tantum acum transmittere, post, præteritis utrisque peritonei labris, ex adversa parte ab externo introrsum, per utrumque ejus labrum acum revocare: deinde rursus hanc revocare, atque ab interno extrorsum per adversum abdomen trajicere.

Est, & tertium futuræ abdominis genus apud Celsum quod duabus acubus administratur, verum id quum minus frequens sit, prætereundum censui.

Sutura cujuscunque generis sit mediocris esto: quoniam nimis rara non continet, & nimis crebra vehementius afficit. quo enim sæpius corpus pungit, eo majores oriuntur inflammationes, præsertim æstate, oræ autem vulneris futura junctæ, ex toto
inter

inter se contingere non debent, ut si quod humoris intus concreverit, sit qua emanet.

Acus sit longa, tenuis, cuspidē triangulari, & cauda parum excavata, ut filum ejus transitum non remoretur.

Filum etiam sit æquale, consistentia medibcri; nam quod justo durius est, cutem rumpit. Dum vulnus fuit, altera ejus oræ pars canaliculo in extrema parte fenestrato inniti debet, ut cutis evagetur, & ut pertransiens acus videri possit, ora vero vulneris dum per eam filum attrahitur, specillis aut alio adminiculo fulcietur, ne attractum filum consequatur.

Si vero in carne vulnus est hiatque, neque in unum oræ ejus facile attrahuntur, futura quidem aliena est, imponendæ vero fibulæ sunt (*αγνιόει* Græci nominant) quæ oras paulum tantum contrahunt, quo minus lata postea cicatrix sit, fere enim fibulæ latius vulnus esse patiuntur. Com-

D . . . pre-

prehendi fibula vel futura non cutem tantum, sed aliquid etiam ex carne ubi suberit hæc, oportebit, quo valentius hæreat, neque cutem abrumpat.

Coactæ in unum vulneris oræ, naturæ beneficio coalescunt, & sæpe pristinam unitatem recipiunt, si partis læsæ substantia salubris conservetur: hoc autem fiet, eam mediocriter exiccando, admotis linamentis, pulvisculis, emplastris, linimentis, aliquando venæ sectione, vel purgatione, non neglecta convenienti victus ratione: sumpta semper indicatione à vulneris magnitudine, totius corporis & etiam partis affectæ, natura, temperamento, & similibus.

Linamentum propriè (Græci *μοτὶν* nominant) est penicillus quidam ex linteo concerptus, & implicitus, qui vulnere imponitur. Fit autem ex intortis, derafis, evulsis vel excerptis linteis, ex illychinio, ex stupa bene mundata, & pexa, ex xilino (cotonem vocant) ex spongia bene expressa, ex junci crassioris,

fioris, & sambuci medullis, ex fungorum pedeolis, ex pilis leporinis, ex lanugine salicis & cotoneorum, ex gentianæ, & similium radicibus.

Veteres medici variis nominibus hoc auxilii genus appellarunt, vel propter materiam, vel propter formam. sic *σπειρόν, ξυσόν, & πλάτον, μετὰς*, quod ex intortis, derasis, excerptis, vel evulsis linteis fierent, vocarunt: *ελλυχνίων*, quod ex ellychniis conformaretur, *λημνίσκον*, quod in longitudinem fastigiatum sit, *σφηνίσκον*, quod cunei figuram imitetur. Formari etiam sæpe solent, in vermiculorum, & in floccorum formam, pro partium, & vulnorum figura.

Linamentis sæpe ficcis, frequentius aliquo linimento imbutis, utimur, vel ad detergendum, vel ad exiccandum, vel ad sanguinis fluxum sistendum, vel ad vulneris oras hiantes retinendas, vel ad ipsum vulnus ampliandum, in vulneribus cavis, angustis, profundis, humidis, sordidis, contusis.

venenatis, ab externo aëre corruptis, in ulcera degenerantibus, denique in vulneribus, cum tumore aliquo præter naturam, vel ossium læsione, vel sanguinis eruptione, conjunctis.

Juvant etiam ad affectæ partis naturam salubrem conservandam pulvinuli, à similitudine pulvinorem (qui tomento, lana vel pluma infarciuntur, & in sella ut mollior fiat sessio imponuntur) ita dicti, vulgo plumaceoli appellantur. Fiunt autem ex nyfino, lana, stupis canabis diligenter pexis, raro ex spongia, frequentissime ex panhis duplicatis, ad minimum, vel unus, vel duo, vel tres, vel etiam plures, nunc sicci, nunc liquore aliquo imbuti, ut vino, posca, oleo, ovi albedine, cerato liquido, vel alio simili.

Horum usus est, coactas in unum vulneris oras fulcire, & leviter comprimere, partis vulneratæ calorem nativum fovere, partemque à fasciarum molesta pressura tueri.

Neque Venæsectio negligenda erit

erit ad salubrem partis statum retinendum, si vel sanguis non sufficienter ex vulnere fluxerit, vel à vulneris aut doloris magnitudine, ab inflammatione, convulsione, vigiliis, delirio, urgentibus, periculum immineat, ut in vulneribus articulorum, tendinum, nervorum & partium carne vacuarum, idque si ætas, & virium robur permiserint.

Neque etiam convenienti purgatione uti alienum erit, ubi præsertim totum corpus cacochymicum fuerit. Imo sine cacochymia purgare oportebit, si vulnus in capite fuerit, vel in ventre, vel in articulis, vel usque adeo magnum, ut futura egeat: vel si ex eo corruptionis periculum immineat, ut doc. Hippocrat. lib. de ulceribus.

Victus etiam ratio ad tuendum salubrem partis affectæ statum confert; sit igitur aër cubiculi quo vulneratus oppositus, & indolenter jacet, temperatus: aletur (nisi vires aliter suadeant)

D 3 exiguo

exiguo cibo, boni succi, & facilis coctionis, modice refrigerante, si inflammationis aut febris metus sit, à quibus ante septimum diem raro tutus æger, ante quod tempus vinum omnino detrahendum est, nisi ex sanguinis profluvio intermoriatur, tunc ante ullam curationem vino reficiendus, quod alioquin inimicissimum vulnere est. Sit ejus cœna frugalis. Quiescat. Venerem, & omnes animi vehementiores motus vitet.

Accidunt sæpe vulneratis Symptomata, quæ tam ipsis, quam medicis negotium faciunt, & quæ (quum veluti causæ rationem habeant) curationis rationē quodammodo immutant, omnemque fere medici sollicitudinem ad se neglecto aliquando vulnere convertunt: ea autem sunt intemperies, inflammatio, dolor, febris, convulsio, paralyfis, syncope, delirium & similia de quibus (& si non ad chirurgiam pertineant) pauca tamen, quoniam ab eorum natura curatio vulneris immutatur dicemus.

Omnis

Omnis intemperies vulneratis superueniens, siue simplex fuerit, siue composita, siue fluente materia, siue absque ejusdem affluxu suo contrario est profliganda. Itaq; adversus intemperiem calidam, simplicem sine materæ affluxu (si partem vulneratam obfederit) quam ex rubore, & calore deprendemus, pugnabimus ros. plantag. unguento albo, & similibus. Si vero Frigida fuerit in parte intemperies, quæ ex lividitate, & frigore dignoscetur, admovebis vinum, ung. fuscum basilicon, & similia. Eadem ratione adversus Humiditatem, & Siccitatem suis contrariis erit pugnandum.

Quod si intemperies humorem comitem habuerit, pro ipsius humoris natura tumor præter naturam qui vulneris curationem impediet, tractetur, & maxime inflammatio, quæ quinto die quanta futura est se ostendit: adversus quam nunc venæsectione, nunc purgatione, nunc re-

pellentibus, nunc digerentibus, alias aliis remediorum generibus utemur. Similiter & adversus alios præter naturam tumores suis convenientibus remediis (de quibus superius dictum est) pugnandum erit.

Dolor, qui etiam in temperatis, & puris corporibus fluxionem excitat, & vires dejicit, in primis mitigandus est, & si fieri potest, omnino sedandus, fotu partis læsæ, parato, vel ex solo oleo, vel ex rosaceo, modice calidis, admisto ovi vitello, vel (ubi vehementior fuerit caliditas) albumine.

Quod si dolor intolerabilis fuerit, oleum papaverinum, vel per se, vel misto opii aut alterius narcotici momento, utile erit, modo caute id fiat.

Febris quæ vulneratis supervenit terrere non debet, si in magno vulnere dum inflammatio est permanet: at illa quæ vel levi vulnere supervenit, vel ultra tempus inflammationis durat, vel delirium movet perniciofa est. Ideo oppugnanda erit
pur-

purgatione, venæ sectione, frigidis alimentis, & medicamentis: sumpto indicio à morbi magnitudine, ægri viribus, temperamento, ætate, consuetudine, anni parte, temporis constitutione, vitæ genere, & similibus.

Accidit etiam vulneratis non sine magno discrimine convulsio, quæ nihil aliud est, quam Corporum nervosorum à quibus voluntarii motus perficiuntur, involuntaria versus principium revulsio. Hic laffectus aut primarius est aut per consensum accidit. Quæ primario fit convulsio, propter inanitionem aut repletionem generatur. Si inanitione, & siccitate fuerit qualis est ea quæ largos sudores, immoderatas vomitiones, alui dejectiones, aut sanguinis profusiones, famem, curas, vigiliâs, immodicos labores, & motus multos atque vehementes, febres ardentes, & colliquantes sequi consuevit, confirmataque fuerit, insanabilis est.

Incipientem verò, quamvis sit

periculosa, præsertim si febrem comitem habuerit, sanare tentandum erit, partium convulsarum fotu, parato ex oleo aut hydroleo, calidis, balneo ex oleo calente, aut ex decocto capitum, vel extremitatum, agnorum, hædorum, vitulorum, vervecum, pinguium, radicis althææ, foliorum malvæ, viol. &, similium, adjecta tertia aut quarta parte olei, à balneo cervix, tota spina, scapulæ, articuli musculorum capita illinenda sunt oleo communi, violaceo, admygdal. dulcium, adipe gallinæ, anatis. Et si febris affuerit refrigerantia supra dictis sunt immiscenda.

Si vero à repletionem facta fuerit convulsio, ut quando tumores in ulceribus suborti repente evanuerint, aut quando in pravis vulneribus nullus omnino tumor apparuerit, vacuare oportebit, & à toto corpore, venæsectione vel convenienti purgatione, & à partibus, præsertim à capite, gargarismis, errhinis, apophlegmonis,

nis, clysteribus acribus (qui propriè ex cerebro revellunt) & similibus. Partes vero convulsæ, cervix, spina, articuli, axillæ, inguina, fricanda, & illinenda sunt oleo liliorum, costino, spicato, laurino, vulpino, rutaceo, de euphorbio, de castoreo, oleo philosophorum, & similibus: superposita lana succida.

Juvat etiam, & Balneum ex oleis calidis paratum, & vulgo dictæ stuphæ ex suffitu rerum exiccantium, & partes nervosas roborantium, cavendo à frigore.

Per Consensum fit convulsio vellitatis, vel punctis, vel aliter læsis nervosis partibus, à causa alias interna aut bile acri, æruginosa, vel alio humore mordente, aut venenato: alias externa venenata, aut sine veneno, nervosas partes incidente, pungente, vel contundente, cum summo dolore inflammante, morfu, & molestia.

Quod si passio principium attigerit, universalis est: particularis verò,

si partes affectæ tantum illæso cerebro contrahantur.

In his omnibus per consensum convulsionibus, ante omnia dolor anodynus sedandus. Si materia mordax, acris, & vellicans, convulsionem excitaverit per loca conferentia vacuanda.

Venenum si quod inflictum fuerit, cucurbitulis, corniculis, suctu, vel admoto medicamento attrahente, aut alexipharmaco, ut theriaca, attrahendum, vel etiam cauterio, vel medicamento quod escharam facit, cor & cerebrum roboranda, caput, cervix, spina, axillæ, inguina, oleo liliorum, aut chamæliæ illinenda, & si cætera irrita fuerint, nervus aut musculus læsus per transversum secandus est.

Ex symptomatum numero quæ vulneratis accidunt, est Paralysis, quæ proprie resolutio est alterutrius lateris, aut unius tantum particulæ corporis, quæ accidit spiritu animali inter-

tercepto, & ad partem transire prohibito, propter continui solutionem, aut variam occlusionem, dum pars inciditur, vel contunditur, ictu, aut casu, dum comprimitur à violento frigore, à vinculo, à vicinarum partium inflammatione, scirrho, laxatis, vel fractis ossibus. Potest etiam ab interna causa accidere, ut à crassis, & viscidis humoribus nervos obstruentibus. Si igitur accepto vulnere resolutio sequatur vacuato toto corpore venæsectione, aut purgatione, aut si opus est utroque, & humorum fluxu sedato, parti affectæ, & nervis unde læsio orta est, admovenda sunt ea quæ nervos roborant & calefaciunt, ut oleum nardinum, costinum, de nuce moscata, de castorio, de hyperico, vulpinum, de lumbricis, & similia. Vel emplastrum admoveatur, ex baccis lauri, cortice thuris, styrace calamita, myrrha, sabina, nuce cupressi, radice acori, rosis, alumine, croco, castoreo, mastiche, nigella, & similibus.

Qui-

Guido & Tagaultius liquore quodam stillatitio, à Petro Apponosi in Additionibus in Mesuem descripto, utuntur, quo veluti mirabili auxilio in hoc affectu uti consulunt.

Incidunt vulnerati in summum vitę discrimen si prehendantur syncope, quę est præceps lapsus virium, quarum essentia in spiritu, & solidorum corporum temperamento consistit. Labuntur autem in vulnere vires, vel ab atroci dolore, vel ab immodica sanguinis profusione: eoque facilius quo corpus vel rarius fuerit, vel majore copia succi crudi abundaverit: accidit etiam syncope à vigiliis à sævis animi pathematis, ab inedia, & omni immodica vacuatione, à labore, & à principiorum intemperie.

Futuram syncopen prælagiet medicus ex pulsu languescente colore pallescente, motu corporis, & ejus partium ignavo, & difficili, ex frigido sudore circa collum, & faciem. In valida syncope medicinę locus non est,

at

at si vires adhuc tantillum constant aliquando recuperantur.

Si ex dolore syncope fiat, doloris causæ quærendæ, & amovendæ sunt, ipse verò leniendus.

Si verò à sanguinis profluxione, spiritus dissipati recreandi. Optime hoc vinum, vetus, odorum, præstabit, quod omnibus quos syncope male habet offerre convenit, brevi enim reficit. Confert frustum panis vini diluti ad sugendum præbere. Facies vel frigidâ, vel aquâ rosarum vel utraque irroretur, acetum rosarum naribus admoveatur, hominum turba è conclavi arceatur, extrema siccantur, nonnulli barbam, capillos, aures, & nares vellicant.

Accidit etiam aliquando vulneratis depravatio principis facultatis, (*παρεργασίη* vocant) patiente nimirum per consensum cerebro, ut in nervorum punctiōibus, & aliis dolorificis vulneribus. In nimia sanguinis profusione, debilitato cerebro propter spi-
ri-

rituum defectum, unde motiones animi depravatæ. Potest etiam delirium accidere propter vulnerum inflammationes, & febres, delata per partium communicationem ad cerebrum affectione. Si propter dolorem vel nimiam sanguinis profusionem desipientia orta fuerit; mitigabitur modis omnibus dolor, dissipati spiritus recreabuntur, caput sumptis & admotis roborabitur. Si verò ab inflammatione vel febre oriatur, vapores à cerebro, admoto oxyrodino repellentur, & vinculis atque frictionibus extremarum partium, acribusque clysteribus ab eodem revellentur.

*De Vulneris simplicis in
parte carnosæ curatione.*

Cum vulnus in partibus organicis curationem non recipiat, non est quod de eo aliquid dicamus. Ideo de partium simularium speciali vulnera curandi ratione, breviter summa capita

pita notabimus, sumpto ab eo quod in carne sit exordio: hoc autem aut simplex est, aut cum substantiæ deperditione conjunctum, quod rursus conjunctum cum aliquo ex superius commemoratis symptomatis, aut sine ullo symptomate est.

Vulneris igitur simplicis in parte carnosæ curationis finis est unitio, quæ fit naturæ opera, medico tamen si opus est adjuvante: hoc modo sanguis ex vulnere mediocriter fluere permittitur, ejusdem oræ (cruore, spongia, linteo, vel molli fomento deterfo, cavendo etiam ne quid extrinsecus intercidat) in unum coguntur; oræ ita adaectæ vinculo decenti conservantur. Recentiores vulneri ita coacto, albumen ovi agitatum, & levi stupa exceptum, ut ipsum vulnus ab inflammatione, intemperie calida, sanguinis profluvio, & dolore vindicent, admoveere solent.

Quod si vulnus in carne majus fuerit, quam ut ejus labra vinculo committ-

mitti possint, futura aut fibulis erunt educenda, & continenda: non tamen præpropere glutinanda, ne vulnus postea recrudescat. Juniores pulvere rubro (incarnatium vocant) ex duabus partibus thuris, & sanguinis draconis parte una parato, cui nonnulli calcis vivæ, alii boli armenix partes tres addunt, vulnus aspergunt, vel pulverem hunc cum ovi albedine agitant, cujus postea partem linteo tenui exceptam, vulneri primum admovent, admovent præterea & stupas molles, eodem medicamento imbutas, & aliquando ovorum albumina stupis excepta superponunt, & ita partem ut decet vinciunt, illitis prius rosaceo vulneris vicinis partibus, huncque primum apparatus (ut vocant) ante diem quartum (nisi aliquod grave symptoma urgeat) non immutant. Quod si tum vulnus non coaluerit, vino astringente calido abluunt, & stupas, eodem vino imbutas, ei superponunt.

Ad

Admoveri poterit unguentum ex pulvere rubro , & therebintina lota paratum. Ad cruenta Vulnera , & divisiones notatu dignas , emplastro nigro utebatur Galenus , apud quem multa alia medicamentorum genera quæ idem effectum pollicentur , reperies , & multo plura apud Holle-rium.

Quod si ex vulnere propter ejus situm sanies effluere non possit , pars ita collocanda est , ut vulneris orificium deorsum spectet , id si fieri non potest , effluxum illi moliri oportet , aut ora ejus cavitatis dissecta , aut in fundo tantum aperta , sumpta indicatione , ex vulneris magnitudine , & loci natura.

*De Vulnere cum substantia
deperdita conjuncto.*

In vulnere cum substantiæ deperditione , ut quando caro abscissa est , duo medici proponunt , unitio , & simul

simul substantiæ in deperditæ locum restitutio, quod etiam fit (si nihil extrinsecus impedierit) naturæ beneficio, ex sanguine, quantitate, & qualitate laudabili, in parte, iusta & naturali temperie prædita: hoc tamen dum natura molietur, medici auxilio etiam eget, qui & tenuius & crassius excrementa (sanie, & sordem vocant) quæ humida, & sordida vulnera reddunt, exiccet, & detergat, admotis medicamentis, quæ ob id sarcotica dicuntur, quod iustam naturæ materiam compleant, modice detergendo & exiccando, ita tamen ut non nimis calefaciant, hujusmodi aut simplicia sunt ut thus, iris, aristolochia, ervi farina, radix panacis, & similia, aut ex his & similibus composita; in quorum delectu ratio habenda est temperamenti totius corporis, & partis affectæ. Item ætatis, generis vitæ, & similibus. Nam in humidioribus, & mollioribus corporibus, quæ minus exiccant, ut thus magis con-

veniunt in siccioribus vero quæ magis, ut aristolochia.

Vulnus igitur ab omnibus symptomatis vindicatum vino calente abluitur, linteo, mundo, & molli exsiccat, pulvere aliquo sarcotico aspergitur, vel linamentum unguento sarcotico imbutum ipsi admovetur, deinde linteum, aut stupa sicca, vel vino imbuta, & expressa superponitur, & fascia decenter vincitur, quæ auxilia æstati bis in die, hyeme semel immutantur.

Plenum vulnus cicatrice obducitur, quæ non aliter quam caro opus est naturæ adjutæ, à medico, dum non solum affluentes humiditates, sed etiam humorem in carne contentum consumit, & aliquid cuti simile inducit medicamentis epuloticis: quæ siccant, astringunt, & ita cogunt, ut callum tenuem, cuti similem inducant, cujusmodi sunt galla, malicorium, acatia, & similia.

Epulotica varia ratione usurpantur,

tur, alia enim in pulverem trita insperguntur: alia emplastri forma tenacius hærentes, admoventur: alia verò unguenti, de quibus vide Holterium.

Inducta tamen cicatrix deformis est, quæ vel excressit, vel cava est, vel dura vel mollis, vel inæqualis excrescit, parum siccato vulnere; cava verò fit, quia nimium exiccatur, vel quia ossis pars deest: inæqualis fit propter suturas, vel frequentiores, vel ineptas. Excrescens scarificationibus reformatur, & cathetericis absumitur, cava frictione corrigitur, dura remollitur, mollior exiccatur; Inæqualis verò lenientibus, mollientibus, discutientibus, exedentibus, & aliquando adstringentibus medicamentis emendatur.

De Vulnere cum contusione.

Si contusio cum vulnere conjuncta fuerit, prohibenda modis omnibus ad par-

partem fluxio erit venæ sectione, cucurbitulis, vinculis, frictionibus, & si opus erit purgatione. Vulneri verò digestivum vulgo ex vitellis ovorum & resina therebintina paratum, imponitur. Contusæ verò partēs, dolorem lenientibus, ut oleo chamæmelino, vel liliorum illinendæ, ambitus contusionis repellentibus, ut rosaceo oleo myrtillorum, unguento de bolo armeniæ, oxyrodino, ungetur. Deinde, quoniam quæ contusa sunt ea curare oportet ut quæ certissime suppurentur, ut ait Hippoc. cataplasmata suppurantia parti admoventur. Suppuratum vulnus detergetur melle rosato, mundificativo, ex apio, unguento Apostolorum; detersum verò, impletur, admotis sarcoticis, linamento indies immixto excerptis. Tandem ubi plenum fuerit, claudetur cicatrice.

Ecchymosis est sanguinis in spacia quæ circa vasa sunt effusio: quæ ut plurimum una cum contusione, & rupti-

ptitione incidit curatio sanguinis illius extra vasa effusi vacuatio est, quæ perficitur admotis medicamentis calefacientibus & modice siccantibus.

*De Vulneribus Venarum, &
Arteriarum.*

De unitatis solutionis curandæ ratione, quæ ab externa causa inanimata in carnosio genere fit diximus, sequitur ut de divisione, quæ in venis & arteriis ab eadem causa fit, atque etiam de ejusdem curatione dicamus.

Venarum autem, & arteriarum continuïtas solvitur ab externa causa Vulnerante cutem, incidente, contundente gravi, & dura, vel multifariam rumpente censionis interventu.

Venam autem aut arteriam divisam esse indicat profluvium sanguinis, qui si saliendo eruperit, tenuiorque sit, calidior, & magis flavus, arteriam divisam esse certum est. Si verò nigrior,

grior, vel rubicundus, crassus, & sine saltu fluat venam.

Copiosum sanguis profluvium, è quocumque vase fluxerit periculosum est, tum potissimum quando vel convulsio, vel singultus, vel desipientia illi supervenerit.

Qui hunc affectum curare vult, duos sibi scopos proponat necesse est, quorum prior sanguinem sistendum; alter verò vulnus glutinandum esse indicat.

Sanguis fluens sistitur aut	Quia non amplius ad partem affectam fluit ejus motu	omnino sedato propter	refrigerationem	Cor poris totius, Partis affecte	Animi deliquio Victus ratione refrigerante.	Frigi. med.	sumpto admoto
				Ad contraria revelendo.	Vene sectione Cucurb. Frictione.		
				Ad vicina derivando.			

cum ovi candido, & pilis leporis permista parti admoventur.

Alii calcis vivæ, sanguinis draconis, gypsi, aloes, thuris, vitrioli, pares portiones ovi albumine, & pilis leporinis (ut ante dicta), admiscent, & parti admovent.

Sedato sanguinis profluvio vulneris agglutinationem juvabimus, admotis iisdem medicamentis, quibus in carne glutinanda utebamur, habita tamen temperamenti ratione: nam quanto vena carne ficcior, & arteria mollior est, tanto ficciora medicamenta, quamcaro, & humidiora quam arteria postulat.

De Nervorum Vulnere.

Nervosorum etiam corporum unitas à causa externa non rarò solvitur, nunc à re aliqua pungente, & Punctio appellatur: alias re acuta cæsim incidente, secundum longitudinem, vel per transversum, omnino, aut

aliqua ex parte, aliquando à gravi aliquo & duro corpore obtundente, & confusio dicitur.

Sauciatum esse nervum deprehendemus ex partis læsæ situ, ex sensus, vel motus, vel utriusque læsione, ex magnitudine doloris, quam phlegmone necessario consequitur, nisi quis dolori medelam inveniat.

Quodvis nervosæ partis vulnus magnum est, & grave si cacochimicum, vel plethoricum fuerit corpus, nam & ingens dolor, & vigiliæ, & convulsio, & febris, & delirium, & phlegmone, sæpe nervorum vulnera sequi consueverunt, propterea quod nervi exquisito sensu præditi sunt, & cum parte principe consortium habent: quum omnes, aut statim aut spinali medulla interveniente oriantur à cerebro, quod illis, & virtutem suppeditat, & compati assuevit.

Nervo igitur vulnerato æger in molli lecto, situ convenienti, quiescat, tenui

tenui victu utatur, qui (si vires ferant) sanguis detrahatur: non neglecta etiam purgatione, si corpus cacochimum fuerit.

Si nervus punctus fuerit, vulnus apertum retinere, & cutem in ejusdem orificio (si angustius fuerit) latius incidere, ut sanies liberius effluat, convenit, & medicamenta quæ tenuium sint partium, modice calefaciant, valenter (citra tamen dolorem) siccent, & trahendi vim habeant, de quibus *Galenus* copiose *lib. 3. comp. ph. g.* Pars affecta oleo sabino calente, oleo veteri, oleo rutaceo, anetino, aut simili, his aut ter in die fovebitur ad-mota lana molli succida. Terebin-thina etiam vulneri commode ad-movetur, per se quidem in his qui molli carne sunt, in aliis verò, qui duriore cum euphorbio, confert etiam propolis, & sagapenum, & opponax, & sulphur vivum, & calx lota.

Si inflammatio suborietur, conve-

nit cataplasma ex farinis hordei fabarum, & orobi, in lixivio, & sirupo acetoso, aut in sapa & aceto coctis. In putrescentibus verò nervis ex hordei & ervi farinis in aqua, lixivio, aceto, mulso coctis cataplasma confert, & emplastrum quod recipit euphorbium, ceram, & frixam resinam, item id quod ex cera, resina, therebenthina, pice, euphorbio paratur. In horum tamen dextro & convenienti usu, temperamenti, & mollitiei corporis ratio diligenter habenda est.

Dolor modis omnibus sedandus. Imminenti convulsioni occurrendum, capitis, colli, spinalis medullæ, axillarum, & inguinis, fotu ex oleo liliorum calente, vel laurino, vel costino, vel simili aliquo parato.

Quod si nervus cæsim vulneratus secundum longitudinem fuerit, cutisque ita discissa ut nervus nudus appareat, ab acribus omnibus propter

pter nervorum exquisitum sensum
abstinere, & iis quæ minima cum
mordicatione exiccant uti conve-
niet, ut calce elota multo oleo so-
luta. Salubre etiam est medicamen-
tum quod ex pompholige fit, si lar-
go rosaceo melle salis experte solu-
tum sit.

Salubre item, quod ex optimo
melle rosaceo salis experte soluto &
cera elota paratur, quibus potest &
aliquid terebenthinæ lotæ misceri,
cavendo diligenter ne quid ex iis quæ
vulnus contingunt frigidum sit.

Quod si sordidum vulnus fuerit,
detergendum erit molli lana, &
specillo circumvoluta. Licebit etiam
& vino dulci vulnus ipsum abluere.
Non negligendus etiam diachalci-
teos, pastillorum Polydæ, Andro-
nis, vel Pasionis, usus; ea tamen le-
ge, ut robustis, & duris corpori-
bus medicamenta valentiora, im-
becillis verò, & mollioribus, mitio-
ra admoveantur.

Si verò per Transversum nervus vulneratus fuerit, major convulsione metus impendet, phlegmone à dissectis fibris ad non sectas communicata: cæterum vulneratis Cæsim nervis tam per directum quam per transversum, eadem medicamenta conveniunt. His tamen quam illis largius sanguis detrahendus, & tenuior vivendi lex, & major, atque mollior quies imperanda, caput, collum, spinalis medulla, alæ (si in brachio aut summa manu fuerit vulnus) inguina (si in crure, tibia aut pede) oleo aliquo calido, imminente convulsione, illinenda. Quod si totus Præcisus nervus, si metus præterea nullus instat, mutila tamen, & debilis pars manebit, ejus verò curatio communis est, cum ea quæ aliorum est vulnerum.

Nervi Contusi, ubi cum his quoque una cutis contusa, exulcerataque est, medicamentum siccans, & leviter partes diffitas contrahens constringensque postulant, quale est, quod

ex

ex oxymelite, & fabacea farina conficitur, quod etiam dolorem sedabit, admista pice liquida, omnia simul bene coquendo; siccabit verò adhuc magis injecta ervi farina, aut iryde illyrica.

Recentiores rosaceum cum ovi albumine in principio admovent, deinde vulnus vino temperate foveant. Si verò sine cutis affectione nervi contusi fuerint, oleo aliquo calente quod discutendi vim habeat, ut chamæmelino, irino, rosaceo, habita semper totius corporis ratione perfundentur.

De Vulneribus Tendonum.

Vulnerati tendines, quorum substantia ex nervis, & ligamentis mista est, eadem ratione curantur quæ & nervi, sed medicamentis paulo vehementioribus, sumpta indicatione à partis naturâ, quatenus enim ligamentorum naturæ sunt participes, eatenus intus sensus acrimonia habetur, at-

que ob id vehementiora, & sicciora
medicamenta ferunt.

De Ligamentorum Vulnere.

Ligamenta nervis, & tendoni-
bus similia sunt, quatenus, & alba
sunt, & exanguia, & cavitare caren-
tia, in fibras dividantur: harum tamen
trium partium curatio dissimilibus
medicamentis fit. Nam Ligamenta,
quum præsertim ab osse ad os perve-
niant, validissimorum medicamentorum
vim tolerant, cum quod sensus
sint expertia, tum quod cerebrum non
pertingant, ita ut quibuslibet medica-
mentis ea exiccare sine offensione li-
ceat, quæ verò in musculum se inse-
runt, tanto reliquis ligamentis ma-
gis terrere debent, quanto sint ner-
vis, & tendonibus minus periculo
obnoxia.

De Morsu & Ictu animalium.

De vulneribus quæ maxime per tela inferuntur dictum est, sequitur ut de his dicamus, quæ animalium morfu vel ictu fiunt, è quibus (quum venenata sint) virus ante omnia foras evocare oportet, suctu, cucurbitulis, corniculis, medicamentis attrahentibus, cauteriis, & similibus: deinde vulnus ut reliqua vûlnera curare, & supervenientibus symptomatis, ut antea dictum est, occurrere.

Si levior plaga fuerit, posca calente primo proluitur, & suctione expurgatur. Qui verò fugit, neq; jejunos sit, nec os aliquo modo vulneratum habeat: sed & os ipsum vino colluisse, & in eo oleum continere debet. Commode etiam tam levibus quàm vehementibus morfibus, & cucurbitulæ & cornua admoventur, vicinis partibus leviter scarificatis. Juvat statim post cucurbitulas animalia parva discerpta, intus

E 6 adhuc

adhuc calentia, ut catellos, gallinas, hœdos, agnos, porcellos, plagæ imponere. Sauciatam etiam partem adurere, & aliquando omnino præcidere convenit, si fera quæ momordit lethalis fuerit, ut vipera, aspis, cerastis. Commode etiam morsui pro cataplasmate cinis feculneus samentorum, vel brassicæ, aceto subactus imponitur. confert sal salsamentum illitum cum melle, acetum calidum, in quo nepeta sit incocta: præter opinionem facit ex viperis Theriaca Andromachi emplastri modo impositum. item emplastrum, ex dictamnio, & similibus attrahentibus compositum.

Potiones exhibendæ ex theriaca, mitridatio, & similibus, cor, & partes nobiles roborantibus. Vomitiones, ut ait Aetius, tepidæ aquæ haustu ciendæ, & æger in vigiliis asservandus, sudores movendi, & urinæ purgatio omnibus convenit, & si venenum per corpus fuerit dispersum, sanguis statim commode detrahatur.

Finis Libri Secundi.

SYNOPSIS

CHIRURGIAE

LIBER III.

De Ulceribus.

DE Vulnerum natura, differentiis, causis, signis, & curatione breviter diximus, sequitur ut de ulceribus proprie dictis, eodem ordine differamus: quod utriusque affectus tanta sit affinitas, ut vulnera in ulcera saepenumero transeant.

Quid Ulcus.

Est autem ulcus, proprie, ut ait Galenus, unitatis solutio in parte carnosa ab erosione excitata.

Ejus vero Differentiae sumuntur, nunc ab ipsius unitatis solutionis (quemadmodum & in vulneribus) essentia, alias ab ejusdem ulceris causis,

aliquando ab ejus exortu, tempore, situ, mōre, aliquando ab affectionibus præter naturam illi conjunctis, alias ab aliis rebus, ut videre licet apud *Gal. lib. 2. meth.*

Essentia, quæ in quantitate posita est, unde dicitur	{	Magnum, quia.	{	Longum.
				Latum.
	{	Mediocre.	{	Profundum.
	{	Parvum, quia	{	Breve.
				Angustum.
	{		{	In superficie hærens.
Ulceris differentie sunt ab ipso	{	Inter-na	{	In parte impacta.
				Cacochymum.
	{		{	Ad partem fluentem.
				Reumaticum.
	{	Efficientes	{	Acri medicamento,
				Ambu-
	{	Ex-ter-na	{	stump.
				Intertrigi-
	{		{	nosum.
				Contagione, Contagiosum.
	{		{	

Ex qua, ut ex mate- ria an- tece- dente	{ Pituitosa, Pituitosum Biliosa, Biliosum Melancholica, Melan- cholicum
Ma- te- ria	{ Simi- lari, ut { Cutaneum in car- ne, in membra- nis, in aliis car- nosiss partibus
In qua, ut in parte sub- jecta.	{ Orga- nica, unde dici- tur { Capitis, oculi, narium, oris, faucium, guttu- ris, pulmonis, hepatis, intestinorum, uteri, ani, pudendi, scroti, in- guinum, cruris, tibiae, pedis, musculi, & alia- rum partium.
Forma sive figura à qua maxime proprias differentias sumit Gal. Unde dici- tur	{ Rotundum, Rectum, Obliquum, Uncum, Sinuosum, Cuniculosum, Pampini modo intortum, Æquale, inæquale.
Exitu	{ Sanabile Lethale
Tempore	{ Recens. Vetus
	Situ


Situ in parte affecta, quatenus ejus pars, aut totum Ulcus } Conspectum fugit.
 } Conspiciendum se præbet.

Similarium partium, in-
 temperie } Simpliciter, unde dicitur } Calidum
 } Frigidum
 } Humidum
 } Siccum.
 Composita } Calid. humidum
 unde dicitur } Calid. siccum
 } Frig. humidum
 } Frig. siccum.
 Ab immoderatione, & intemperie simul } Phlegmonosum
 } Oedematosum
 } Erysipylatosum
 } Scyrrhosum
 } Varicosum
 } Callosum, & similia.

De Ulcerum causis.

Ulcus alias ab internis alias ab externis causis ortum habet. Interna ulceris causa vitiosus aliquis succus, s. excrementum, est, quod vel in toto corpore, vel in affecta, vel in alia corporis parte generatur. Externa vero

verò aut medicamentum valens est,
aut ignis, & res ignita, aut attritio,
aut contagio.



De Ulcerum signis.

Signa, ad quæ Medicus in ulcerum
curatione maxime animadvertere de-
bet, aut affectum, & ejus naturam,
aut affectionis exitum demonstrant.
Illa dignostica, hæc verò prognostica
vulgo

vulgo dicuntur. Ulcus igitur si in aperto, & propatulo fuerit, & visu, & tactu adhibito rationis iudicio facile deprehenditur. Quod si in intimo, & recessu corporis situm fuerit, ex doloris proprietate, ex loci, & situs natura, ex accidentibus propriis, ex excrementis, ex his inquam simul omnibus, aut ex horum nonnullis (nam in omnibus morbis, notas pathogmonicas ex affectionum consensu colligere non licet) ipsum ulcus, & etiam partem affectam (si actionis læsæ rationem habuerimus) facile dignoscemus.

Ulceris interni signa diagnostica sumuntur à

Doloris proprietate, ut ex dolore exulcerante, situs & loci natura, quod quædam partes peculiare quosdam morbos habent sic nares ozena tentantur pulmonis in ulcere.

Propriis accidentibus, sic incurvi ungues pulmonis indicant vitia aph. 60. lib. 2. prognost.

Ex-

Excrementis	{	Excrenescencia illa quæ
		ulceri adnascitur Græcis
		ἰσχυρίσ, dicitur.
		Frustulis tunicæ membra-
		narum aut vasorum
		Pure
		Sanguine
		Squamula
		Carunculis
		Cartilagine.

Et quoniam Prænotio ad ulcerum etiam curationem necessaria est, ideo & de iis signis quibus curatu facilia aut difficilia, sanabilia vel insanabilia ulcera esse prænovisse possimus, est dicendū.

Ulcerum autem prænotiones potissimæ, & maxime vulgares, partim ex subjecta parte, partim verò ex humore ad partem influente, desumuntur, habita tamen ratione ipsius ulceris essentia (quæ in quantitate posita est) figuræ morborum ulcus comitantium & symptomatū, quæ & visu, & tactu, & odore, & sapore deprehendantur. Item partis affectæ temperamenti, formationis, situs & virtutis, ipsiusque ægri ætatis, sexus, & vitæ generis. Item
anni

anni partis , aëris constitutionis , & similia.

Si igitur ulcus fuerit parvum , aut mediocre , non rotundum , in parte quiescere possit , curatu facile erit , contra verò si vel magnum vel rotundum fuerit ulcus , vel pars ipsa ulcerata , intemperata , aut cacochyma , vel infecta , maligna quadam qualitate , qua humores (alioqui laudabiles) ad se fluentes corrumpat : vel eam acria excrementa continuo transcant , vel in perpetuo motu posita sit : vel humor ipse qui influit quantitate deficiat aut superet , vel qualitate manifesta , idque variis modis aut occulte peccet : vel si ipsi ulceri morbi curatu difficiles , aut gravia symptomata conjungantur.

Acci-

	Magna Rotunda	Propter ip- sius Ulceris	Essentiam Figuram.
Accidit itaque ut diffi- cilius Curen- tur Ulcerata	Hydropi- corum Cacoe- thē pro- prie di- cta pulmonis	Propter partis affectū	Intemperiem, Malignam qualitatem, Perpetuum motum.
	Senum ob sanguinis defectum. Dysepulota propter confluxum humorū		Multorum Acrium.
	Renum, & vesicę propter excremen- ti continuo transeuntis acrimoniam.		
Inflammata Conjuncta cum	Varicibus Ossium cor- ruptione	Propter mor- bos Ulceri ma- teriam suppedi- tantes.	
Sordida, Dolori- fica Circum- glabra Squa- mosa, Circum- dura Decolo- rata, cum febre cō- juncta.	Ob symptomata quę consequun- tur, vel subjectę partis intempe- riem, vel humoris ad eam fluentis vitiosam qualitatem, aut quanti- tatem. Ob has enim tres causas Ulcerata omnia ægre sanari ait Gal. Nam ob has easdem causas vel in profundum viam affectant, fiuntque excavata, & fistulosa, vel in altum, superexerescēte in iis carne, vel in latitudinem fer- punt.		Sunt

Sunt præterea, & alia signa, ex quibus quantum curatio efficiat, quantumque aut sperari aut timeri debeat intelligi potest. Nam bona signa sunt somnum capere, facile spirare, siti non confici, cibum non fastidire, si febricula fuit ea vacare, item habere pus album, leve, non sædi odoris.

Mala sunt, vigilia, spiritus gravitas, sitis, cibi fastidium, febris, pus nigrum aut sæculentum, & sædi odoris. Item procedente curatione eruptio sanguinis: aut si antequam sinus carne impleatur oræ carnosæ fiant: malum etiam est si soluto morbo suppuratio exoriatur, si rodentium sensus in ulcere non est, omnium pessimum animam deficere vel ipsa curatione vel postea.

De Ulceris adheſivæ curatione.

Ulcus proprie unitatis solutionem in parte carnosâ ab erosionē excitatam esse antea dictum est; in eo autem duplex

plex vitium necessario esse nunc dici-
mus, videlicet unitatis divortium, &
cavitatem: quum erosio sine cavitate
esse non possit authore Galeno & ex-
perientia rationi suffragante. Unde
medico qui legitime ulceris *α' φεισάτω*.
curationem aggreditur, duo statim
proponuntur scopi; prior est cavitatis
repletio, alter verò solutæ unitatis
conjunctio atque coalitus. Vtriusque
opifex, subjectorum corporum com-
parata substantia est: materia verò
sanguis, quantitate, & qualitate lau-
dabilis.

Substantia igitur tum totius corporis, tum partis ulceratæ, si temperata est, sui conservationem postulat aëre temperatō, cibo, & potu, somno & vigilia mediocribus, & temperatis, excrementorum vacuatione, & partis affectæ quiete, cavendo à gravioribus animi pathematibus.

Ad quæ omnia attentus sit neces-
sario medicus in salubri partis statu
similibus conservando, & in perdito
con-

contrariis cum diætâ, tum medicamentis restituendo. Sanguis verò laudabilis si adest, iisdem rationibus conservatur, si defuerit, alimentis boni succi, & copiosis augetur, si abundaverit venæ sectione minuetur: si qualitate peccaverit, contraria qualitate emendabitur; exuperantes etiam succi si qui in sanguinis massa fuerint, convenienti purgatione vacuabuntur. Verum dum natura ex sanguine ipsum spargendo, apponendo, agglutinando, adsimilando, cavitatem producta carne implet, duplex necessario excrementum nascitur, alterum humidius (*ixap* appellatur) alterum verò crassius (& *qwas* dicitur) humidius humidum reddit ulcus, crassius verò sordidum, utrumque quum præter naturam sit, & ejus actionem impediat, suo contrario tollendum est:

Humiditas igitur exiccanda erit, & sorditudo detergenda; utraque autem commode fiet medicamento
far-

farcotico, quod modice detergit & siccat primo gradu, vel ita ut ne nimis calefaciat. Sed hujus magna est latitudo in humiditate, & siccitate, caliditate, & frigiditate. Thus enim, & hordei farina, & fabacea, minus, & exsiccant, & detergunt: resina vero terebinthina abietina, mel despumatum, mel ros. pompholix, paulo potentius agunt; multo adhuc vehementius ervi farina, aristolochia, iris, myrrha, oppoponax, & similia, quorum omnium convenientem, & legitimum usum deprehendet prudens medicus, sumpto consilio ex totius corporis, & partis ulceratæ natura, ejusdemque partis situ, formatione, & virtute, item ex humiditatis, & sorditiei copia. Corporis enim temperamentum quanto est humidius, tanto quoque minus siccum medicamentum postulat: & partes internæ vel acute sentientia non tam vehementia ferunt medicamenta, quam externæ, aut obtusiores.

Ulcus verò quod est humidius, medicamento quod magis siccet eget, nam ut natura partis similia, ita ulcus contraria postulat. Ad hæc in ulceribus internis, ad medicamento proprietatem respiciet etiam medicus, in quibus ea eligenda sunt medicamenta, quæ animalis naturæ familiaria sunt, & nullam visceribus noxam inferunt: contra verò fugienda, ut copiose demonstrat *Galenus lib. 4. meth.*

Repletum verò ulcus tegendum est Cicatrice, quæ nihil aliud est quam callosa caro pro cute inducta: quæque, non aliter quam caro, opus naturæ est, à medico adjutæ, dum pleno ulceri medicamenta carnem citra morsum, & erosionem siccantia, & reprimentia admovet: hujusmodi sunt aloë, plumbum ustum, galla immatura, malicorium, carta papiracea usta, anethum ustum, cucurbita sicca & usta, sanguis draconis, molybdena, lythargyros, pompholyx, æs ustum, squa-

squama æris, cadmia vino elota, & similia, de quibus copiose *Galenus lib.*

4. de comp. aph.

In horum etiam usu indicatio sumitur à natura partis, quæ quo siccior fuerit, eo sicciora medicamenta postulat.

De Ulcerum, quæ graviori incommoditati conjuncta fuerit, curatione.

De Ulceris *αἰσθησις* curatione diximus, superest ut de eorum ulcerum curatione quæ cum aliis præter naturam affectionibus conjuncta sunt, breviter aliquid dicamus. Junguntur autem ulcera aut suis causis efficientibus, aut aliis morbis, aut symptomatis, quæ tria, ulceris ipsius curationem nisi tollantur, impediunt, habent enim curationem aut illius sine quo non, aut urgentis. Causa igitur effectrix ulceris si adest, ab ea inci-

F 2 pienda

pienda curatio est, hanc aut internam, aut externam esse supra diximus.

Externa nulla arte ut tollatur eget, interna verò difficilior tollitur, est enim soboles vitiosi succi, qui aut in toto corpore, aut in parte affecta (propter ejus vitium) aut aliis partibus, ut in cerebro, hepate, liene vel alio quovis membro, gignitur, aut propter manifestam qualitatem, ut intemperiem calidam, frigidam, humidam, siccam, aut propter malignam, ut in iis ulceribus quæ proprie cacoëthe dicuntur: si igitur in parte intemperies fuerit, ea quam primum suo contrario amovenda, calida quidem frigidis, humida vero siccis: & contra.

Quod si vitio aliquo maligno partis humores ad eam fluentes corrumpantur, ibique ulcus cacoëthes exciterint, humorum fluxum primo modis omnibus impedire, deinde partem ipsam affectam, citra exasperationem mordicationemque exsiccare oportebit.

tebit : quod accurate fieri non potest
ignorante medico, quem affectum ad-
motum medicamentum ostenderit :
commode igitur ab erodentibus, &
astringentibus incipiemus, quorum
vehementiam ulceris sordes & humi-
ditas obtundent. Et quoniam horum
medicamentorum magna latitudo est,
attendendum erit, quantum primus
eorum usus humiditatis in ulcere de-
siccaverit, vel si sordes in eo sint,
quantum harum quoque absterferit,
atque ita secundum tertiumque uti illo
debeamus, donec parvum, & siccum
ulcus apparuerit, tum enim alio me-
dicamento ejusdem quidem speciei,
sed priore imbecilliore, erit utendum,
quoad nativa partis siccitas restituta
sit. Quod si hoc medicamentis fieri non
possit, totam partem affectam scalpere
& incidere, vel adurere igne, aut medi-
camentis crustam inducentibus, cogi-
mur, juxta vetus decretum : Quæ non
sanant medicamenta, sanant ferrum,
quæ ferro non curantur, ignis curat.

Si verò non vitio partis, sed propter humorum vel multorum vel acrium confluxum, ulcus ortum fuerit, id dysipulotum propriè appellatur: quod non ante curationem recipiet, quam ejus etiam causæ sublatae fuerint. Plenitudo igitur si in corpore fuerit, quam primum venæ sectione tollenda erit. | Quod si corpus cacochimum fuerit (cujusque partis occasione id acciderit) purgandum erit medicamentis convenientibus per loca conferentia, ipsæ deinde partes, quarum occasione corrupti humores ad ulcus influunt, percurandæ: mox ad ulceris ipsius curationem accedendum; curabitur autem medicamentis citra morsum exiccantibus, quemadmodum & ulcus cacoëthes.

Ulcus verò cum morbo qui ipsum fovet conjunctum, ut cum inflammatione, cum varicibus, aut cum alio simili, non ante curari potest quam morbus ille, qui rationem habet ejus sine quo non, sanatus fuerit.

Sepe

Sepe etiam ulcus jungitur symptomaticis, quæ aliquando tam gravia sunt, ut omnem medici sollicitudinem ad se neglecto ipso ulcere convertant, & tum urgentis rationem habent: ejusmodi est Dolor, qui & fluxionem (à qua & ipse rursus augetur, dysepulotum sit ulcus) excitat, & inflammationem, vel erysipelas accersit, & etiam sæpe convulsionem, animi deliquium, & similia: ideo modis omnibus (quemadmodum, & in tumorum curatione diximus) est demulcendus.

Sordes copiosiores si in vulnere fuerint, detergentibus tolluntur, quemadmodum, & humiditates exiccantibus. Carnis vero excreſcentiæ acribus, & demolientibus calidis, & siccis medicamentis tolluntur.

Ulceris labra si callosa & dura fuerint, exciduntur ad sanam usque partem: vicinæ verò ulceris partes decoloratæ scarificantur.

Idem omnino de reliquis causis,

morbis & symptomatis ulceribus conjunctis (quæ ipsorum ulcerum curationem impediunt) est censendum.

SYNOPSIS
CHIRURGICÆ
LIBER IV.

De Fracturis.

DE carnosarum partium vitiis quæ manus auxilium desiderant diximus: nunc ad ea quæ ossibus accidere consueverunt (in quibus præcipue veteres medici exercitati erant) veniam. Omne autem Os ubi injuria accessit aut frangitur, aut loco movetur, aut vitiatur.

Frangitur autem os, dum ejus unitas solvitur à causa externa findente, scindente, rumpente, collidente vel forante.

De

De Fracturæ Differentiis.

Fracturæ autem differentias (quamvis, & plures sint & varia nomina fortiantur) duas tantum constituit Gal. ex mente Hipp. Prior est, quando os per transversum frangitur, altera quando ut lignum in longitudinem finditur. Celsus verò tertiam quæ per obliquum fit, addit.

De Fracturæ Causis.

Fracturæ causæ quatuor maxime generales sunt, Prima est corpus durum, & grave contundens. Secunda corpus acutum incidens. Tertia casus ex alto collidens. Quarta luxatio contorquens.

De Fracturæ Signis.

Quoniam verò affectionis notitia ad ejus curationem necessaria est, ideo

de notis quibus fractura dignoscitur est dicendum. Deprehenditur autem os fractum sensuum judicio, nam & partes ossis separatæ reperiuntur, & figura inæqualis, est membri, quod dum manu varie tractatur, strepitus ex ipsorum ossium collisione auditur; æger verò à causis frangentibus laceratus dolo-rem in parte affecta (cui haudquaquam inniti potest) sentit. Nec solum fracturæ dignotio ad ejus curationem medico necessaria est, sed & qualia ex fracturis pericula imminuant, & quam diuturna earum curatio futura sit tum etiam novisse oportet, ut & in his curationis longitudinem, in illis verò paucam spem & multa pericula prædicere atque omnem ubique calumniam effugere possit.

In Fracturis periculum imminens apprehenditur ex ipsius ossis fracti magnitudine, figura, connexione, & situ: ex fracturæ genere, & magnitudine, item ex morbis, & symptomatis.

fra-

fracturam ipsam concomitantibus. Quo fit ut periculosa sint fracturae quoties ossa fracta extra eminent, praesertim quum ea & magna sint, & multum medullae habuerint, & quae simul vulnerantur multa sunt, & magni momenti, ut nervi, muscoli, & venae. Periculosa etiam fractura est juxta articulos, aut in ipsis ossium capitibus. Periculosior quoties ossa fracta in interiorem partem flectuntur, & vergunt.

Fractura item magna periculosa est. Periculosa etiam, quoties ossa fracta occultata sunt, aut in plura fragmenta divisa. Item quando cum partium vicinarum inflammatione, cum nervorum distentione, cum febre acuta, aut cum gravibus aliis symptomatibus conjuncta fuerit.

Diuturnitas curationis fracturae intelligitur ex fractorum ossium temperamento, ex magnitudine cum ossium, tum fracturae, ex victus ratione. Unde accidit ut ossa quo duriora

aut sicciora fuerint, eo difficilius fer-
rumentur, contra quo molliora
aut humidiora, ut putria ossa, faci-
lius, quo etiam majora ossa fuerint
eo longius tempus ut coalescant po-
stulant, ut os cruris, quod non ante
quingenta dies conglutinatur: ossa
verò tibiæ, & brachii breviori tem-
pore coalescunt, nimirum quadraginta
diebus. Maxilla autem, jugulum,
pectus, os scapularum, costæ, spina co-
xarum, os tali, calx, planta, ante
vigesimalium diem (ut ait Celsus) sane-
scunt.

Remorantur etiam ossium gluti-
nationem alimenti viscerum inopia, fre-
quens aquæ calidæ perfusio, eorum-
que quæ fracturæ admoventur, fasci-
arum, spleniorum, & ferularum cre-
bra mutatio, fracturæ nimia coarct-
atio, & præposterus, vel inordinatus,
membrum affecti motus, anni tempus,
regio, & similia.

De Fracturæ Curatione.

Præcipuus in fractura curanda medici scopus solutarum ossis partium unitio est, quæ si propter siccitatem per se fieri non possit, restat, ut alterius interventu fiat. Unitio autem illa quamvis naturæ opus sit, non ante tamen fieri potest, quam distractæ & divulsæ ossis partes à medico corrigantur, & in directum conformentur. Ut illa conformatio fiat, & facta conservetur, quatuor medico operationibus opus est, quarum Prima membri extensio est. Secunda ossis fracti coaptatio. Tertia debita fasciatio, & medicamentorum applicatio. Quarta deligati membri immobilis, & arcta dispositio: servata in his omnibus ea figuratione, & formâ, quæ & musculos minime distorqueat, & quamminimam dolorem afferat. Sed quoniam naturæ beneficio os fractum, à medico in directum coaptatum, ex proprii ejus alimenti superfluitate, pro-

ducto callo, circumalligatur, ideo ea victus ratio servanda est, quæ tantum & talem influere sanguinem ossibus præparet, quantus, & qualis generando callo sit oportunus.

Membri fracti Extensio (quæ omnem conformationem præcedere debet) fit aut ministrorum manibus, si parvum fuerit membrum: aut laqueis circumpositis: aut una cum iis etiam instrumentis, cujusmodi nos Hippoc. docuit ἀντίταξις ossium facere.

Postea verò quum abunde retracta ossa fuerint, nec ullus supersit metus, ne se in adducendo tangant, tum ambabus manibus utrumque membrum comprehendere, & ossa in directum constituere, & sicubi aliquod periculum subvenerit, corrigere (cavendo ne ossis fracti eminentiæ refringantur) vincula quæque sensim remittere, ac musculis ipsis deductorum in idem commissionem permittere, oportet.

Nec solum os fractum conformasse, sed etiam ita conformatum, prorsus
fus

fus immotum consistere, necesse est, quod fiet Deligatione, quæ neque compresserit, neque gravet, neque laxa sit, illita prius parte cerato molli, ut Hippocrates, & Galenus volunt, ut Recentiores, oleo rosato tepente, vel mirhino, vel masticino, & aliquando mastiche pulverata aspersis.

Tota verò deligatio! deinceps fiet, primo fasciis, quæ ab Hippoc. *ὑποδοσμίδες* appellantur, deinde linteis quæ Splenia dicuntur, cum fasciis extrinsecus circumdatis (à Græcis, *ἐπιδοσμίδες*, dicuntur) deinde ferulis, postremo fimbriis, quibus veluti habenis ferulæ ipsæ continentur.

Sint autem fasciæ tam, primæ quam secundæ, ex linteo leves, tennes, molles, mundæ, sine futuris, sine emittentiis, validæ, non aridæ, sed succo convenienti lotæ, nisi ubi membra inæqualia sunt, tum enim angustæ utiliores sunt, quoniam rugas non contrahunt, & totum membrum, quod circumdant, contin-

tingunt, erunt etiam tam longæ, ut os repositum firmiter contineant, quæ ex his in deligando omnium primum injiciuntur, quæque & partem affectam immobilem conservant, & ab eodem repellendo inflammationem arcent, aut, duæ sunt, aut tres, quarum Prima circa fracturam ter voluta sursum versum feretur. Secunda ab eadem fractura priori adversa deorsum devolvetur. Tertia verò ab inferiori parte sursum supra utrasquè priores convolvetur. Nonnulli vero unica fascia duobus initiis circumdata totam hanc deligationem efficiunt.

Ad hujus verò prioris deligationis atque etiam fracturæ stabilimentum, & detentionem Hippoc. subsidium excogitavit, nimirum ut adhiberentur splenia cerato humido illita; quæ longitudine æqualia sint, latitudine trium aut quatuor digitorum, crassitudine verò triplicia aut quadruplicia, quæ quum ad directionem adhibe-

hibemus, eorum longitudinem, ex circuitione, latitudinem autem & crassitudinem ex defectu existimamus.

Fasciæ vero illæ quæ extrinsecus supra plagulas injiciuntur, duæ omnino æquales sint necesse est, quæ, ut totum membrum sicut acceperunt conservent, ex adverso inter se ita distributionem facient, ut altera ab inferiori parte sursum dextrorsum, altera à superiori deorsum sinistrorsum convolvatur.

Deinde Ferulæ superaccomodandæ sunt, quæ fissæ circumpositæque, ossa in sua sede contineant, ac deligationem etiam stabiliant: quarum usus ante septimum diem apud veteres nullus erat, propter inflammationis metum. Recentiores tamen (nulla inflammatione urgente) vel primo die ferulis commode utuntur.

Sint autem ferulæ leves, æquales, in extremitatibus simæ, stupa aut lana involutæ, minores hinc inde quam deligatio sit, & in quam partem fractu-

ra inclinat, latiores atque valentiores, non minore quam digiti spatio invicem distantes, cavendo ne supra articulos, aut ossium extuberationes imponantur.

Ferulæ verò fimbriis sive habenis (quæ in tota deligatione postremum locum occupant) ad modum laquei nautici volutis, aptissime continentur.

Deligatum ad hunc modum membrum ita collocare oportet, ut figura, à dolore maxime aliena, in ejus depositione fervetur, quæ etiam figuræ ratio in ejusdem membri fracti retractione, coaptatione & deligatione diligenter observari debet.

Deligationem tertio quoque die (quo ad fracturam ferulæ superaccommodentur) resolvere jubet Hipp. & calida aqua locum affectum perfundere, ut humores in fracta parte contenti qui dissipatione egent (ne vel dolorem vel pruritum excitent) exinaniantur. Cum verò ab omnibus symptomatis fractura libera fuerit, &
ML feru-

ferulas circumvincere, & ex majori intervallo deligationem solvere, atque inversos fasciarum circumductus laxiores facere libebit.

Victus autem ratio ad producendum callum oportuna erit, si in principio usque ad diem decimum (quoniam & tum inflammatio, & alia symptomata magis imminent) tenuior, & parciore fuerit; à vino itaque & carne tum abstinendum est, & obsoniis tenuellis & mollibus, ut ptisana, beta, malva, atriplice, blito, cucurbita, piscibus laxatilibus, & similibus alimentis, utendum. Eodem etiam tempore, & venam aliquando incidere, & per ventrem supervacua expellere conveniet. At quo tempore callus gignitur, & crescit, ægri liberalius reficiendi sunt cibis bonis, & copiosis succis, ex quibus bonus, tenax, & viscidus humor ipsius calli materia gignitur: ut alica, frumento cocto, pedibus hædorum, vitulorum, arietum, & alimentis similibus.

Ju-

Juvant etiam ad calli promotionem, & auctiorem, medicamenta quęcumque emplasticam substantiam habent, & modice calefaciunt. Contra verò callum diminuunt, quęcumque digerendi vim habent. At callum productum conservant ea, quę cruentis vulneribus adhibentur. Callum autem generari indicabunt fasciolę si nullo oborto vulnere, cruorē referant.

Quod si fracturę vulnus conjunctum fuerit, victus ratio magnitudine exquisita constituenda est, majorque vulneri quam ossi cura agenda. Si sanguis nimium profunditur, sistendus, si verò parum fluxerit, mittendus, ossicula refracta, & pungentia eximenda: eminentia autem si retusa sint in suas sedes danda (idque vel antequam pars inflammatione occupetur, vel eadem jam finita) si acuta ante præcidenda, si brevia scalpro limanda: tum (modo pars tuto intendi possit) accendenda, vel manu, vel volfella. Pars laxior deliganda, & splenius deinde incur-

curvanda, Splenia autem sint vino imbuta, vel austero vel nigro, æstate potissimum. Quin etiam medicamenta omnia exiccantium, numero esse debent. Serosis tardius utendum. Phlegmone si oriatur remed. lib. 1. commemoratis occurrendum.

Si Contusio cum fractura extiterit, pars ne gangræna corripiatur scarificanda, ipsi verò gangrænæ, & serpenti putredini (si jam invaserit) convenienter occurrendum.

Si Dolor fracturæ conjunctus fuerit, solvetur deligatio, & parti dolenti lana oleum, & acetum; & similia admovebuntur. Pruritus verò si quis exorietur, aquæ temperate calidæ perfusione tolletur.

Quæ autem sint causæ fracturæ Calvariæ, quæ item differentiæ, quæ ejus signa, tam dignostica, quam prognostica, & quæ ejusdem particularis curandi ratio, ex Hippocratis lib. d. vul. capitis breviter discas, de qua re vide etiam Galenum Celsum & Paul.

Finis Libri Quarti.

SYNOPSIS
CHIRURGIÆ
LIBER V.

De Luxationibus.

QUum luxationes fracturis proximæ sunt, sitque de fractis ossibus dictum, superest ut de luxatis aliquid etiam breviter dicamus. Est autem luxatio articuli ex proprio sinu in alienum prolapsus cum motus voluntarii læsione.

De Luxationis differentiis.

Luxationum differentiæ duæ sunt, majoris tantum, & minoris ratione differentes, nam ossis caput articulusve, vel prorsus è suo sinu excidit, & Luxatio dicitur, vel aliquatenus duntaxat emotus est, & usque ad tuberculum, è sinu elapsus, appellaturque Subluxatio.

tio. Utrumque genus modis quatuor maxima ex parte fieri potest, nempe in partem priorem, vel posteriorem, vel in alterutrum latus, id est, interiorem vel exteriorem: quibus nonnulli superiorem & inferiorem addunt, propterea quod sex sint circa omnem de articulationem loca.

De Causis Luxationis.

Luxantur autem ossa, vel à violenta tensione, vel à violento impulsu, vel propter laxata ligamenta, idque facile, si sinus non alte descenderit, vel supercilia habuerit retusa, aut exigua, aut confracta, si copulæ laxiores aut longiores, vel aliæ partes quæ juncturam circumstant humidiores aut imbecilliores fuerint, vel si ipsum corpus sit extenuatum.

De Luxationis Signis.

Signa quibus luxatio, & universa
ejus

ejus natura omnino cognoscitur, aut diagnostica sunt aut prognostica.

Diagnostica verò quæ & visu & tactu affectionem ostendunt, vel omnium luxationum communia sunt, vel cujusque propria. Communia quidem ut ea parte in quam os prorupit tumor, ea sinus, à qua recessit, ita ut pars sibi dissimilis fiat, motus voluntarius lædatur, & dolor circa articulum sentiatur. Propria verò cujusque luxationis signa sunt, quibus singulæ luxationes particulariter deprehenduntur, de quibus vide Hippocratem, & ejus fidelissimum interpretem Celsum.

Prognostica autem luxationis signa ea sunt ex quibus vel periculosam, & curatu difficilem, vel lethalem esse luxationem deprehendimus, hæc ex ossium luxatorum inclinatione, & luxationis magnitudine desumuntur: item ex articulorum figura ex ipsius luxationis causis, ex morbis luxationi conjunctis, ex symptomatis luxationi supervenientibus, ex luxationis tem-

tempore, atque ex corporis habitu-
dine, ita periculosa sunt

Luxationes vertebrarum in partem inte-
riorem, propter nervorum compressionem,
& gravia alia symptomata.

Luxationes cum ossium denudatione &
ulcere, propter convulsionem, dolorem,
gangrænam, vel syderationem.

Luxationes partibus principibus vicinae,
quo enim ejusmodi partibus viciniore fue-
rint luxationes eò periculosiores sunt.

Articulorum, variorum, dissimilium, in-
æqualium, & multiplicium, & in Partibus
carnosis.

Luxationes magnæ, ob Articulorum figu-
ram, in cubito quam in genu Luxationes
deteriores.

Quæ habent Causam internam, id est, hu-
morem ligamenta dearticulationis, & vicinas
partes laxantem.

Quæ respectu Temporis Veteres sunt quo-
niam caro in acetabulum ingreditur, & ca-
put articuli, in loco in quem excidit callum
facit.

De Curatione Luxationis.

Quum luxatio in vitiato partium situ posita sit, ejus sanatio vitiatae positionis emendatio erit, quod, etsi natura præstare non potest, medicus tamen poterit, extendendo primum luxatum membrum, quod deinde repente convenienti deligatione circumdet, & apposite deponat, ne rursus in sua sede articulus prolabatur. Robur partis interim admotis medicamentis & convenienti alimento conservandum erit, & supervenientia symptomata modis omnibus arcenda. Omnes autem articuli, dum adhuc calidi sunt, reponi debent, vel saltem quam citissime ante inflammationem: quæ si partem occupaverit, quiescendum, donec finita fuerit. Quod si inveterata fuerit luxatio, mollietur fotu remolliente, & laxante, ante repositionem.

Extensio partis luxatae fit, (ut ante dictum est) vel ministrorum manibus
vel

vel laqueis, vel una cum iis, etiam instrumentis. Membri Extensionem sequitur articuli repositio; in qua medicus considerabit, undenam articuli ipsius excessus inceperit, quomodo progressus fuerit, & quo finem fecerit, atque ab excessus fine reditus principium faciens, inde retro eadem via ad principium usque luxationis regreditur. Tum cerato resinato (ut reposita pars immota conservetur, & roboretur) & plagulis, & linteis mollibus, non paucis, neque nimis compressis, (nam constrictio magis mollitudine linteorum quam compressione facienda est) ita est articulus deligandus, ut quo recessit pars, inde urgeant atque propellant fasciæ, & unde recessit, laxæ eo loco sint, ut volunt Hippocrates, & Galenus.

Recentiores repositam partem affectam rosario, stupis, linteis multiplicibus, ovorum albuminibus perfusis, fasciis posca madentibus, longitudine & latitudine convenientibus, & ali-

quando ferulis ex corio vel densa papyro paratis, roborant, atque retinent; eandem circiter septimum diem solvunt (nisi symptoma aliquod, ut inflammatio, eam antea solvere coegerit) & aqua modice calida foveant, cui deinde emplastrum ex polline, pulvere rubro, & ovorum albuminibus paratum, admovent: & membrum ipsum figura decenti, à dolore maxime aliena in quiete ex Hippocratis consilio collocant.

Victu autem tenui in omnibus articulorum repositionibus uti (præsertim si valentioris articuli casus fuerit) ad septimum usque diem eodem loco jubet Hippocrates. Celsus verò vel triduo, vel interdum quinque diebus à cibo abstinere consulit, metu nimirum inflammationis, qua finita pleniori victu uti tuto licebit.

Atque hæc de simplici luxatione. At si ipsi Causa interna conjuncta fuerit, ut humor ligamenta laxans, repositus articulus circumcirca medica-

dicamentis exiccantibus diu comprehendendus est. Si verò Dolor conjungatur, dolor in primis erit sedandus, admota lana succida ex hydreleo modice calente, & pauco aceti. Si vero Inflammatio supervenerit, ipsi ante omnem molitionem est modis omnibus occurrendum. Febris autem si affuerit, victus ratione, & si opus fuerit venæsectione, & purgatione est oppugnanda.

Quod si Vulnus ipsam luxationem comitetur, ante omnia vulneris ratio habenda est, medicamentis admotis, non tam glutinantibus, & cruentis, quam lenientibus, ob convulsionis tumorem: quoniam in mistis, & conjunctis affectionibus, curatio quoque mista, adhibenda est.

Si verò Luxatio, & Fractura simul eandem partem infestaverint, jubent recentiores luxatum prius si fieri potest reponere, deinde fracta ossa coaptare, quod si id minime fieri possit, fracturę coaptationem prius molie-

mur, qua confirmata luxati articuli
repositionem aggrediemur.

Finis Libri V.

SYNOPSIS
CHIRURGIÆ
LIBER VI.

De Carie, seu Ossium Vitio.

UNitatis solutio ab erosione exci-
tata, in carnosis quidem parti-
bus, ulcus proprie dicitur, in osse verò
πρὸς ὄσιν, id est, *Caries*, quam præcedere
solet ipsius ossis asperitas vel pinguedo,
vel abscessus (qui ad ossis corruptio-
nem aliquando etiam sequitur) has au-
tem ossis affectiones ejusdem nigrities
quandoque etiam sequitur.

Cariei Causa humor est acris os i-
psum erodens, vel in ipso osse putre-
scens, vel ad ipsum fluens, ex superna-
tis

tis cancris, fistulis malignis, vel vetustis, & gravibus ulceribus.

Ossis nigrities ex febre & dolore deprehendetur, quæ ubi mediocria sunt illa alte descendisse non potest, ex scobe adacta terebra manifestior fit.

Abscessus verò ejusdem priusquam corruptionem contrahat, cognoscitur ex sanie, ex sorde præterea tenuiore, non crassa, non unguinosa, copiosa, & majore vi scaturiente, quam pro ulcere. Ad hæc ulceris oræ magis dissident, & ægrius coalescunt.

Caries autem specillo tenui in foramen demisso deprehenditur, quando magis minusve intrando vel in summo cariem esse vel altius descendisse testatur.

Periculosa caries est in osse capitis, in costis, in osse pectoris periculosissima.

In cariei autem Curatione ante omnia os nudare ulcere exciso oportet, & si latius ejus vitium est quam ulcus fuit, carnem etiam subsecare, donec

integrum os undique pateat necesse erit, tum eodem momento, si fieri potest, quod pingue est, nigrum, asperum, aut cariosum (ubi vitium in summo osse est) semel iterumve satis est admoto ferramento urere, aut impresso audacter scalpro eradere, donec aliquid cruoris ostendatur, & os ipsum vel album vel solidum apparuerit. Quod si caries altius descenderit, os crebris foraminibus, quæ altitudinē vitio æquent, terebrandum. Tum in ea foramina demittenda candentia ferramenta sunt, donec inde siccum os ex toto fiat. Simul enim per hæc, & resolvitur ab inferiore osse, quodcunque vitiatum est, & is sinus carne replebitur, & humor, aut nullus postea eo feretur aut mediocris. Usque adeo enim exiccare locum oportet, ut ossis pars vitiatā abscedat, quod egregie præstabunt medicamenta cephalica, de quibus copiose *Gal. lib. 1. de comp. ph. g.*

Osium etiam corruptioni, & cari-

ci pastilli Pasionis medentur, quæ vitia, oleo fervente, aquis (aquis fortes vocant) & mollioribus cauteriis aliquando etiam excidunt.

At os quod vitiatum est, totum excidere oportet. Exciduntur fere ossa in capite, pectore, & membris, nunc scalpro, nunc terebra, nunc modiollo, quorum omnium ratio à Celso, & Galeno & Paulo tradita est.



Finis hujus Libri.



IN-

I N D E X
L I B R O R U M

hoc opere

C O N T E N T O R U M.

LIB.	Pag.
I. DE Tumoribus.	3
II. De Vulneribus.	57
III. De Ulceribus.	91
IV. De Fracturis.	116
V. De Luxationibus.	124
VI. De Carie, seu Ossium Vitiis.	132

F I N I S.

